



ლიტერატურული მესხეთი

№7 (259)
ივლისი
2020 წელი
ფასი 40 თეთრი

გამოცემის ოცდაათეული წელი

“LITERATURULI MESKHETI”

დალი ყარაულაშვილი

სამშობლოს ჩივილი

დარდი ვერაფრით ავწონე,
რა ვქნა, ცრემლი ვერ დავმალე,
ლეკვი, ძუძუ რომ ვანოვე,
გამიდგა, მითხრის სამარეს.

ვერ ვსუნთქავ, მავთულხლართებით
გადამიბოჭეს მთაბარი,
რომ ვამაყობდი ამ მთებით,
მათი პატრონი სად არის?!

ცა ყვავ-ყორნებმა დაფარეს,
ეჰ, ველარ ვხედავ ცხრათვალას,

ვაზს რომ ფესვებში კაფავენ,
ავმა თვალმა თუ გაგვთვალა.

რად მამლაყინწობს ვარია?!
საძებარი გვყავს მართვინი,
არწივნი აღარ არიან, –
გადაუშენდათ გამჩენი!

ვაყები თვალეზბრიალა,
ეჰ, სანატრელი გამიხდა,
დროშა ვერ ააფრიალა, –
ერი და ბერი წამიხდა.

ქალები ლერწამ-ტანისა
ეჭიდებიან საპალნეს,
ცრემლმა თვალები დანისლა,
ეს სირცხვილი ვერ დაფარეს.

კაცები, ვაი კაცები,
დადიან თეძორხევითა,
ფარას აღარ ჰყავს ვაცები,
დაშინებულან მგელითა.

კავკასიონი დამყურებს,
წუხს, ავმა როგორ გაგვთვალა,

რა აღარ ესმით ამ ყურებს,
რა აღარ ნახა ამ თვალმა.


ცაო! შენი მაქვს იმედი,
სულს ისევ შენით ვახელეგ,
სიკვდილის კართან მივედი,
კვლავ ფეხზე წამომამყენე!!!

გადავიტანოთ ზამთარი,
ცაო! შენ დამრჩი იმედად!!!
ჩემი უკვდავი ძვალ-ტყავი,
ვიცი, არ გაინირება.

ცაო! შენი მაქვს იმედი!
ცაო! შენ მყავხარ იმედად!



„ლიტერატურა სალხისთვის სიკეთეში გადამყვანი ხილია და ფონი! როგორც კეკელტუცისთვის სარკე, ისე სალხისთვის ლიტერატურა საჭიროა, რომ შიგ ჩახედოს და თავის სანხე მისი ღირსებით და ნაკლულევენებით დაინახოს“.



აკაკი

განცხადება



გაზეთ „ლიტერატურული მესხეთის“ რედაქცია აცხადებს ლიტერატურულ კონკურსს პოეზიაში.

საკონკურსო მასალები მიიღება დევიზით: ერთი კონკურსით იგზავნება საკონკურსო მასალა და დევიზი; მეორე კონკურსით – ავტორის გვარი, სახელი, მისამართი, საკონტაქტო ტელეფონი, ლექსების ჩამონათვალი და დევიზი (კონკურსზე არ უნდა მიეთითოს ავტორის ვინაობა). კონკურსში მონაწილეობის მიღება შეუძლია საქართველოსა და უცხოეთში მცხოვრებ ყველა მოქალაქეს, გარდა გაზეთ „ლიტერატურული მესხეთის“ თანამშრომლებისა, სარედაქციო საბჭოს და ჟიურის წევრთა ოჯახის წევრებისა.

დანებაშულია პრემიები:
ბრან პრი – საქართველოს განათლების, მეცნიერების, კულტურისა და სპორტის სამინისტროსაგან;
პირველი პრემია – 1500 ლარი – ასპინძის მუნიციპალიტეტის მერიისაგან;
მეორე პრემია – 600 ლარი – კერძო პირ ელდარ ალიევისაგან;
მესამე პრემია – 500 ლარი – ივ. ჯავახიშვილის სახელობის თსუ-ის მორფოლოგიის ინსტიტუტისაგან;
სამცხე-ჯამხასეთის უნივერსიტეტის პრემია.
გამარჯვებულებს პრემიები გადაეცემათ „პოეზიის დღე – შოთაობაზე“, სოფელ რუსთავში. საკონკურსო ლექსები უნდა გამოიგზავნოს მხოლოდ გამოუქვეყნებელი, ნაბეჭდი ფორმით (არაუმეტეს 5 ლექსისა), ხელნაწერი არ მიიღება.
საკონკურსო ლექსების მიღების ბოლო ვადაა 2020 წლის 10 სექტემბერი და იგზავნება შემდეგ მისამართზე:
0500, ასპინძის მუნიციპალიტეტი, დაბა ასპინძა, თამარის ქუჩა N3.
გაზეთ „ლიტერატურული მესხეთის“ რედაქცია.
საკონტაქტო ტელ. 5 99 97 95 24

პროზა

კახაბერ ჯაყელი

(გაგრძელება. დასაწყ. წინა ნომერში)

– ამ ღამეს უკუნში უნდა ვიაროთ, ბიჭებო! – უთხრა აბიათარმა მის უკან ჩაცუცქულ რჩეულიანთ. ყველამ სიტყვა თავის მეგობარს გაუმეორა, ერთ მწკრივად იჯდნენ და მეთაურის ადგომას ელოდნენ. წვერცეცხლა, წითური აბიათარ კოპაძე ცას ათვალეიერებდა. ერთი ვარსკვლავის გამოჩენას ელოდა, რომ დაძრულიყო.

– მარეხიც გამოჩნდა, აი ეხლა დავიძრებით, მაგას ელოდება აბიათარ კოპაძე, – ჩაილაპარაკა ჩარეკა ფოცხოველმა და მისმა თვალებმა ბნელში, ისე, როგორც



სიხარული თამარის გამეფებამ გამოიწვია!..

თამარის გამეფების გახსენებაზე გული უტოკდება სამცხის სპასალარს, რომელიც, ამჯერად, რჩეულიანთ მიუძღოდა არსიანის ქედიდან დაბლა, ციცაბო ფერდობზე, სწორედ იქ, სადაც შავშეთის დიდი სოფელი ნორგიალე ეგულეობდა.

„თამარი... თამარი, სამყაროს გავცვლიდი მისი გულისთვის, თუნდაც ერთხელ გამეხვია და მეთქვა, რას გრძნობდა ჩემი გული თამარის მიმართ!“ – ფიქრობს ბოცო. ათასნაირი აზრები გულს უკლავს. აზრები წარსულზე, სიყმარეობაზე, ერთად მოეჯარა ბილიკზე მიმა-

ბოცო ჯაყელი და უფლისწულ დინასტარდილი (ჯაყელთა 1000 წელი)

ცეცხლმა, დაკვესა.

– ჩარეკ, წმინდა ლომისა იყოს შენი მფარველი, დავეცეთ თურქებს და ვილაფოთ! – ჩაილაპარაკა მომღიმარმა აზნაურმა ფარნაოზ არსიანელმა.

– დავეცეთ, ძმაო! – მკაცრად თქვა ჩარეკმა და ფეხზე წამოდგა, რადგანაც აბიათარის მშვიდი მგელივით წამომართულიყო და კვლავაც ცას გაჰყურებდა.

– მოლაშქრეთა მამაა, აბიათარი, მარეხის ფერით არკვევს – გველოდებიან თუ არა თურქნი.

– დავიძრათ! – გაისმა ხმა აბიათარისა და რაზმის წამომართა.

ისინი უხმოდ მიყვანენ ერთმანეთს, ისე, როგორც ქართულ მხედრულ ცეკვებშია, თავები ჰქონდათ მგლის ტყავით ნაკრული და ფეხაკრეფით დაუყვანენ ფერდობს.

ამ დროს გამოჩნდა ბოცო, სპასალარი სამცხისა და მუნებურთა სხვათა ერისთავთა. აბიათარმა მჯილი იკრა გულზე, ამგვარად მიესალმა პატრონს და რაზმი შავშეთის ქედისაკენ დასძრა, მის უკან მიმყოფმა რჩეულიანმა იგივე მისაღება გაიმეორა და რაზმი ქედს აუყვია, ბოცო რაზმს ათვალეიერებდა, სამხედრო აღჭურვას უხმოდ, მხოლოდ თავის დაკვრით უწონებდა აზნაურებს, რომლებიც სამცხის სპასალარს მღუმარედ უვლიდნენ გვერდს და აღმა მთაში ადიოდნენ. დამე თეთრი იყო. შებერებული მთვარე დანათოდა მთებს. განსაკუთრებით კარგად ჩანდა მესხეთის ქედის მწვერვალები.

რაზმეული არსიანის ქედის ბილიკს აჰყვია ზევით და ზევით. მთები, თლილი, ჭანჭახი და ცივწყარო უნდა გაევიდნენ. მალე შავშეთის ქედსაც მიაღწევნენ, რომელიც, ჩრდილოეთის მხრიდან, არნივივით გადმოჰყურებდა არემარეს. თუ არსიანის ქედი შავშეთს აღმოსავლეთით საზღვრავდა, შავშეთის ქედი სამცხიდან ესაზღვრებოდა. ბოცომ იცოდა, რომ თურქნი შავშეთის ცენტრში იქნებოდნენ თავმოყრილი. ალბათ, ეხლა, უკვე, საქონელს და დაბორკილ ტყვეებს ეზიდებოდნენ გადასამალად და გასაყიდად. „ესაა მუდამ თავდამსხმელის სისუსტე. როგორც კი მცირე გამარჯვებას მოიპოვებს, იმნამსვე კერძო სიხარბე გადანონის მის მხედრულ ჟინს და ეგ უნდა გამოვიყენოთ!“ – ფიქრობდა მესხი სპასალარი და ჩქარობდა.

ჯერ კიდევ როდის ამბობდა გიორგი მერჩულე: «იყო ნეტარი მიქელ ქუყყანისა შავშეთისაჲ სოფლისა ნორგიალისაჲ» – აი, ეს სიტყვები ყურში ჩაესმოდა თავის დროისათვის სრულყოფილად განათლებულ ბოცოს. წინ აბიათარ კოპაძე მიჰქროდა, რაზმელებიც სწრაფად მიბიჯებდნენ.

შუალამე გათენებისაკენ იხრებოდა, როდესაც მწვერვალისაგან ჩამოსვლა დაიწყეს. ნისლიან სივრცეში მოხვდნენ. ბალახი სველი იყო. ნამიანზე ტყავის საცვეთები უცურდებოდათ მოლაშქრეებს და ამიტომაც აბიათარმა ფეხზე, საცვეთს ზევით, მორკინული წრიაპი ამოირტყა, რათა უშიშრად ევლო. მისი მოძრაობა მთელმა რაზმმა გაიმეორა.

„აბიათარს დუმელშიც უსმენენ რჩეულიანნი,“ – გაახსენდა მამის, მემნა ჯაყელის ნათქვამი ბოცოს და თვითონაც კოპაძეს მსგავსად მორკინული წრიაპი ამოირტყა.

– ნორგიალისაკენ, იქეთ! – თქვა მის გვერდით მდგომმა აბიათარმა და ხელი შორს, მოციმციმე სინათლისაკენ გაიშვირა.

ბოცომ თავი დაღუნა და მოციმციმე შუქს მიაპყრო

მზერა.

– მალე გათენდება, ალბათ, – ჩაილაპარაკა თავისთვის.

– ჯერ ნორგიალე, შემდგომ ოპიზა, აბიათარ ბატონო! – გაელიმა ბოცოს და დაბლა დაეშვენენ. თენდებოდა.

– ნორგიალე აქვია, დაბლა, ოპიზა კი, რომელიც შავშეთის წყლის ჩრდილო-დასავლეთითაა, კლარჯეთს ეკუთვნოდა. ორივე მიტაცებული ჰქონდა მტერს. ეხლა, ვინ იცის, რას სჩადიოდნენ თურქნი. მათი ბელადი, ალბათ ზის ეპისკოპოსის ტახტზე და წერილს თხზავს თურქებისათვის, – მოდით, გადმოსახლდით, გელითო. ფლიდობს, ცხადია. ცოტაც და, დრო გვიჩვენებს, ვინ

ვალს.

„მეფეთ მეფე და დედოფალთ დედოფალი აფხაზთა, ქართველთა, რანთა, კახთა და სომეხთა, შირვანთა და შაჰნშათა და ყოვლისა აღმოსავლეთისა და დასავლეთისა თვითმფლობელობითა მპყრობელი. და, ამავე დროს, ჩემი გულის მპყრობელი, რომლის მიმართაც თავს დავდე ყოველგვარი ფიქრის გარეშე“, – ჩურჩულებს წვიმაში მთლად გალუმპული სპასალარი.

უნებლიედ ბავშვობა გაახსენდა! ეხლა 27 წლის კაცია, ჩვიდმეტის რომ იყო, თავისი სიშლეგით კინალამ დაღუპა თავიც და სახელი მოყმისა, სამარადუა მოდ.

ამის გახსენებისას რამდენიმე უპიზოდო წარმოუდგა თვალწინ სამცხის სპასალარს:

ზოგი რამ წარსულიდან:

„ბოცო 1160 წელს დაიბადა ერისთავთერისთავის, მემნა ჯაყელის ოჯახში. მამამისი კანონის ერთგული კაცი იყო. ოჯახში მუდამ საუბრობდნენ ტახტის მომავალ მემკვიდრეზე. რთული დრო იდგა. ჯაყელები ყოველთვის ერთგულებდნენ არა მარტო ბაგრატიონებს, არამედ მესხეთში წარმოშობილ ქართველთა სამეფოს იდეას.

მამის, თბილისში, ჯაყელთა უთალო სასახლეში, ცხოვრობდნენ. ერთხელ, როდესაც ბოცო ხის ხმლით სახლში თამაშობდა, მამამისი ცხენოსანთა ამალით ეზოში შემოიჭრა და უმალ თავისთან იხმო ბოცოს დედა. სათნო ქალი იყო მარიამ სამძივარი. მეუღლეს მომღიმარი მიეხალა, თავი მდაბლად დაუკრა და თვალბუქი ჩახედა ისე, როგორც ეს სამძივართა უძველესი დინასტიის ქალებს სჩვეოდათ.

– ჩემო მარიამ, ბატონიშვილი მობრძანდება წუთი-წუთში, მე ცოტა დავწინაურდი და ჯეროვნად უნდა დავხვდე! – ხმამალა თქვა მემნა ჯაყელმა და ხის ცხენზე გადამჯდარი ბოცო მკაცრი ყესტით მიიხმო.

ბოცო უმალ ეახლა მამას. მემნამ ბიჭი უმალ აიტაცა ხელში და ჰაერში შეათამაშა.

– ტახტის მომავალ მემკვიდრეს გაგაცნობ, ლამის შენხელა ბიჭია, თუმცა, სულ ცოტათი უფროსია, შენზე.

– ვისა, მამი? – გაუხარდა ერისთავთერისთავის ერთადერთ ვაჟს.

– ტახტის მემკვიდრეს, შვილო!

მემნა ცოლს მიუტრიალდა და, როგორც ქართველ ქალებს სჩვევიათ, საყვარელი მეუღლე უკვე სამზადისში ნახა.

მარიამ სამძივარს სეფექალები უმალ მოეკრიბა, მზარეულნიც ეხმო. უფროსი მზარეული საბა ბენარელი სასახლის პირველი სართულიდან ამოვლიდა შესაბამისი მითითებების მისაღებად.

– მორთეთ ეზო ყვავილებით, იასამნებით, ვარდებით, რათა გაზაფხული და სიხარული იგრძნოს ბატონიშვილმა. ჩამოხსენით თალხი, დაივწყეთ ჭირი და კრული, გაიხარეთ მესხებო! – ბრძანებას ბრძანებაზე გასცემდა მარიამი.

– ყოჩაღ, მარიამ! კარგია, რომ თალხს ხსენით, – თქვა ამის შემყურე მემნამ და ცოლს გადახედა.

– მამაჩემზე, ცხოვრებულ ბეშქენ სამძივარზე, მუდამ ვიკლოვებ, ჩემო საყვარელო, მაგრამ თუ ბატონიშვილი მოვა, გაიხაროს მანაც და არ იხილოს მისმა თვალმა უბედურების მაუნყებელი, შავი ფერი! – თქვა მარიამ სამძივარმა და მზარეულს მიუტრიალდა:

– ბალი, ალუბალი, მარწყვი, ირმის სუკები, ფლავი ქიშმიშითა და თაფლით, თაფლი, ფიჭა, ღვინოში შერეული ვარდის ფურცლები სუფრას არ აკლდეს. იასამნის რტოებით მორთეთ დარბაზი, ჩვენზე ვარძიული ღვინო მოიტანეთ და სურებში ჩაასხით, მემუსიკეებს უხმეთ,



გადმოსახლდება მესხეთში! – იმეორებდა ფარნაოზ არსიანელის გვერდით მდგომი ჩარეკ ფოცხოველი.

სველ ფერდობზე, რაზმის თითოეული წევრი, უსაფრთხოების მიზნით, ერთიერთმანეთის მხრებზე ხელდადებულები დაუყვანენ გზას. სადაც ბილიკი გადარეცხილი იყო, უმალ სამეულებად იშლებოდნენ, ერთმანეთს გადაეხებოდნენ და ასე ეშვებოდნენ დანიშნული ადგილისაკენ.

შავშეთში, XI საუკუნეში, დიდი მშენებლობები განახორციელა ქართულმა სახელმწიფომ, რაც, ადრე, შეუძლებელიც კი იყო. თუ ადრე, IX საუკუნეში, – „ჩვენი შავშეთისა უშენებელ იყო მამის გარეშე მცირედთა სოფელთა, რამეთუ ჟამთა სპარსთა უფლებისასა აოხრდა... და კულადა... სლვამან სათლობისამან მოაოჯრა შავშეთი... და მცირედლა დაშთეს კაცნი ადგილადგილ“, ეხლა შავშეთით საქართველო ამაყოფა.

IX საუკუნიდან მოყოლებული, როცა სპარსთა ლაშქრობები შეწყდა, აღმოსავლეთ საქართველოდან შავშეთში მოსახლეობა გადმოსახლდა. შავშეთური ქართული დიალექტიც აღსდგა, მოსახლეობამ გაიხარა, რადგან ქვეყანა მშვიდობამ მოიცვა, თუმცა განსაკუთრებული



მამუკა ორიაური

ქეთევან დედოფალს

ჯალათებს უყვართ ოქრო და ვერცხლი, გასალენია მოთმენის კალო, დიდ მოედანზე დაანთეს ცეცხლი, შენ რომ განამონ დღეს, დედოფალო!

რომ მოგახვიონ ყელზე მარწუხი და დაგიშანთონ მთელი სხეული ბოლო წუთამდე თავზე არ სწუხდი, გრძნობდი, სამშობლო იყო სხეული.

ტკივილი სადღაც შორეთში იწვა, გულმა იარა ვერ მოიჩინა, ღმერთს ლოცვით სთხოვდა – მშობელი მინა ამ მტარვალთაგან გადაერჩინა.

ქრისტე არ დაჰგმე, – ჩვენი მესია, რატომ არ ქრები ცოდვისგან ალო, მტერი მუმლივით შემოგვესია, შენ კი ამაღლდი ცად, დედოფალო!

მკერდი მოგკვეთეს, არ დაგცდა კენესა, თავზე კი ცხელი დაგხურეს რკალი. დღეს ყველა ქართველს სურს ჰქონდეს ნესად, არ შეიცვალოს რწმენის გზა-კვალი.

არ განიბანოს ჩაუქრობ ცეცხლში, ყველა მზაკვრობას რომ უთხრას: – არა! არვინ გასცვალოს ოცდაათ ვერცხლში, ღმერთი, ქრისტე და მთელი ქვეყანა.

ჯალათებს უყვართ ოქრო და ვერცხლი, გალენილია დღეს ცოდვის კალო, დიდ მოედანზე გიზგიზებს ცეცხლი, შენ კი ამაღლდი ცად, დედოფალო!

დავგვიანე...

ის ღამეები ფიქრით ავკინძე, ძილიც დაეკარგე – სიზმრის დობილი, ნეტავ ვინ ჩახსნა შენი საკინძე და ვინ შეავსო შენი ლოგინი.

იმ განათევარ ღამეთა კვალში ძველ მოგონებებს კვლავ ვეურჩები, ვინ გაეხვია ვნებების ალში, ვინ დაგიკოცნა ნეტავ ტუჩები.

ვინ ჩავიხუტა ნეტავი გულში, შენში არია მწველი ფიქრები, და ჩაგჩურჩულა, ლამაზო, ყურში, – რომ საუკუნოდ შენი ვიქნები.

ღამემ მიიღო დილის იერი, ბნელეთს სინათლის გასტეხს შურდული, ნეტავ ვინაა ის ბედნიერი, ვინ გახსნა შენი გულის ურდული.

ის ღამეები ფიქრით ავკინძე, წლებს გავატანე ძველი სიამე, მე ვერ ჩავხსენი შენი საკინძე, – სიტყვის გამხელა დავავიანე!

დავვიანე უკანა სივრცეში

„სადამდე ვიარო უშენოდ შარახევს, ერთურთი შორიდან სადამდე ვახელოთ“

ვინ იცის, ნისლებმა ეგ მთები დალახეს, ვინ იცის, უჩემოდ რამდენჯერ გათოვდა, მე ველარ დავბრუნდი ბარიდან შარახევს, არადა, ეს გული მხოლოდ შენ გნატრობდა.

მთას დარჩა ბავშვური სითბო და ტკივილი, სიბოლღე და შენი ნაწნავთა სურნელი, მე დღესაც ჩამესმის ქარების კივილი, გულზე მაქვს იარა ჯერ განუკურნელი.

თუმცაღა დამრჩალა იმედის სინათლე, ჩვენ შორის ლოდინი, გამხდარა საშარო, ვინ იცის, ვინ იცის, რამდენჯერ მინატრე, მე კი დამატყვევა ქალაქმა ქალშავი!

მოგიტყუებ!

ქალის ნაწნავს დაემსგავსა ნისლი ცაზე, დამწუხრებულს მხოლოდ ოხვრა აღმოხდება, ხმა გავარდა, თემში, შენზე – მოიტაცეს, ნეტავ კარგო, თქვენს ოჯახში რა მოხდება?!

დედაშენის კივილს, მთები აიტაცებს, შენი ძმა და მამაშენი შეკაზმავენ ცხენებს, გაიგებენ, რომ სოფლიდან მოგიტაცე და არხოტის გზა - ბილიკებს გაგიყენე.

სულ სხვა სახით დავგიხვდება ახიელი, ტამ - ფანდურას გამართავენ ბანზე, ყანნით ხელში დაგვლოცავენ ნათლიები, გადაჰკარავენ, დაწურავენ ყანნებს თიხის ჯამზე.

მომანვდიან მეც არყიან ყანწს ჯიხვისას, გაყურდება, ჩაწუმდება სუფრა, ვილოცები ამ მთისა და ამ მინისას, დავლევ არაყს, ცარიელ ყანწს გადავანვდი ჯურხას.

თოფის ზათი გადაუვლის სოფელს, გადაცხრილავს ბრძოლის გულმკერდს ტყვია, მონინებით მოექეცი ყველა მოხუც სოფელს, შენ დღეიდან არხოტითონ პატარა ძალი გქვია!

ქალშავი

ქარმა ჩამონა არყის ტოტები, მთებს ნისლი შევნივს ვერცხლად, არშავად, მე უსასრულოდ დავგლოდე, არ მემეტები სხვისთვის ქალშავი.

დაგლოდე ფიქრებით დამწველს, მნათ ცისკრად მოსულს ცაზე აისად, თუ ველარ მოვალ შენამდე ამ წელს, ჩემი გერქმევა ვიცე გაისად.

და თუ გამწირავს სიცოცხლის ძალი, მოვევლინები ქარებად ველებს... მნამს, სამზეოდან ის ტურფა ქალი გამატანს თავის უმანკო ცრემლებს.

ჩამონწულია ხეთა ტოტები, ნისლმა ეს მთები სრულად წაშალა მე კვლავ გზას ვუშურ და გელოდები, რად ავივინებ მოსვლას, ქალშავა?!

ვერ შეგვლით შენა და ქარავს, ბევრჯერ ვათენე ღამე ცქოტი, გულით რამდენი სათქმელი დამაქვს, რამდენი მანევს დარდების ლოდი.

ვერ გიერთგულე, ვერ ვგუობ მაგ ბარს, ცელქი ქარები დაჰქრები ველზე, ამ სიყვარულის ჩაუქრობ ამბავს იქ მომავალში იტყვიან ჩვენზე!

ისევ ასინათს

მთების გადაღმა მთვარე ჩადის, ცქიოტად მნათი, ისევ ლოდინი, გულს ეკალი დარდის მესობა, ჩემთვის გასულ წლებს მოუპარავთ ის ასინათი, ძილიც და ცხადშიც არ მასვენებს მე უმისობა.

არ მიინავლა გულში ტრფობის მწველი ალები, და არ გახუნდა იმ ხალასის ურიცხვი ფერი ეს, ასინათო, რად ვერ გხედავს ჩემი თვალები, რად გამიხადე მზიანი დღე სულ ბინდისფერი.

გავყურებ შარას, რომელ გზითაც გაუჩინარდი, რომელმაც, ალბათ, ტრამპლეტში უხმოდ გატარა, ვით მყინვარს ნისლი, შესწევია ამ გულსაც დარდი, იქნებ გათხოვდი და კალთაში გიზის პატარა.

ხალისი მტოვებს, დარდი მიპყრობს, მტანჯველი, ავი, სხეულს ეცლება მიცემული უფლისგან ძალა, ეს, ასინათო, იქნებ ვინმემ შენი ნაწნავი, თქვენს სარეცელთან, ალურის დროს ჩუმად ჩაშალა.

და თმებს ჩამოშლილს კუპრის ტვერად ყელთან და მხრებზე, უხმოდ დავარცხნის შენი საქმროს ურცხვი თითები, გწავს კოცნის ალი, ასინათო, მაგ ბავებზე და შენც ამ ვნების კოცონივით უხმოდ ინთები.

მე კი ამ მთებში ქარაფებთან დავეც კარავი, და ასე ცხვორობ, დრომ მომტაცა შეყვარებული, ღამეს ვტეხთ ორნი – მე და ჩემი ძველი კალამი, ბარს ვუორგულე, ახლა მთებს ვარ შეფარებული.

მთების გადაღმა მთვარე ჩადის, ცქიოტად მნათი, მე ღამეს ვტეხავ სტრიქონებით – ლექსები ვქარავ, რად არ დაბრუნდა წარსულიდან ის ასინათი, იქნებ არ მოვა, სამუდამოდ იქნებ დავკარგე.

გამებუტე და წერილებს არ მწერ, ზარს არ პასუხობ, მშორდები, ქრები, ჩემს ფანჯარასთან ქარი ხეს არწევს, ცდილობს დავარცხნოს მეჩხერი თმები.

დავდუძდით!

დრო იყო, მტერს მტრობით ვამჩნევდით, ხმაღ - ხანჯალს ყოველ ჟამს ვხმარობდით

დღეს ყველა დავეუძდით, გავჩერდით, სულს ვყიდით, სხეულით დავვობდით.

მტერია ჩვენ სახლის კარადა, უცვალეს გმირობას სახელი, ჩვენ გუშინ ვიბრძოდით, არადა, დღეს ვდუმვართ სიბილნის მნახველნი.

ცხენი დგას, არაა მხედარი, ხეც ხმება უგულოდ დარგული, რა მწარედ ტირიან დედანი, სხვა ქვეყნის გზით გადაკარგულნი.

კაცი ხომ ოჯახის ბურჯია, სიმტკიცეც ნელ - ნელა იშლება, ლურჯია, ცა თითქმის ლურჯია, ცვედნობა გმირობად ითვლება.

ეს ყოფა სულ გავგატილებს, ვერ ვხვდებით, მტერს ფარი ვუფაროთ, ჩვენ თავზე რა ცეცხლი ტრიალებს, ემმასგან გვიხსენი, უფალო!

ისევ ჩვენ დავამხეთ ყოველი, დავლენით ციხე და გოლოლი, ან რა თქვა, გამოვიყო რომელი, ვცახცახებთ, ვით ქარში ფოთოლი.

მუხაზე დასახლდა მუმილი და, ველ - მინდორს მოედო კალია, ამ მინას პაპა ხომ უვლიდა, დღეს რა გვჭირს, დღეს რისი ბრალია?!

ერთ მხარეს მტერია ცბიერი, სხვა მხარეს ლესავენ მახვილებს, დაგკარგეთ ზნეობა, იერი, მტერს ვუსმენთ, რაც მართლა მაკვირვებს.

ადათ - წესს სადამდე გავიტანთ, უფალს ვთხოვ, ნუ გავინიერებთ, გავზარდით ცოტნედ და დავითად ქართველნი, ნაშობი შვილები!

რალა ვთქვა, გზა გავიოლოთ, სად გაქრა, კაცი რომ შრომობდა, ნეტავი ისე თუ ვიომებთ, უნინ რომ ქართველი ომობდა.

ჩვენ ყველამ გავწიოთ ჭაპანი, იქნება გამორჩენს მესია, რა გზითაც ვიდოდნენ პაპანი, მას მივყვეთ, – ეს სწორი წესია.

დრო იყო, მტერს მტრობით ვამჩნევდით, დღეს გვინდა ერთობა და ძალა, რომ ყველა დავეუძდით, გავჩუმდით, იქნება მომხდურმა დავგძალა.

იმედი ხვალისა არ ქრება, დაგვფარე ღვთისმშობლის ნათელი, სანამდე მამული ჩაქრება სამშობლოს უნამდე ქართველო!

მომენატრები წამიდან წამზე, მათობებულა ხარ, ვით მძლავრი ღვინო. ო, როგორ მინდა, რომ მუდამ მკლავზე (ჩემს სასთუმალზე) გვერდით მენვირო!

ექსპრომტად

არხოტში ახლა გიჟიყვობს ქარი, უთოვლო ზამთრის გასულა ყავლი, ქარში ჭრიალებს საბრალოდ კარი და ზეცას სწვდება მოთეთრო კვამლი.

შენთან გაზაფხულს მოუდნევი, ჯერ არ მოსულან ის მზენევი, მაგრამ წყნარ ტყეში უკვე ბევრია მშენიერი და ტურფა იები!

რალა დავწერო!..

რალა დავწერო, დამზრალა სული, გულს მოლოდინის აძგერებს ძალა, დრო ვერ ახუნებს შეხვედრის სურვილს, წარსულმაც ჩემგან ველარ დავამალა.

რალა დავწერო ან რა ფერებით, ეს ხომ გრძნობაა, განა უინია, სიზმრად ყოველდღე რომ გეფერები, სიყვარულია, მოლოდინია...

მე დაბრუნებას იმედით ვიცავ, შენსკენ მომაფრენს ფიქრის იაბო, ყოველდღე ტანზე სიზმარეთს ვიცვამ, ეს ყველაფერი შენ რომ გიამბო.

რალა დავწერო დაუწერელი, რალა დავწერო ჯერ არ ნახული. გრძნობას სურვილი შერჩა მშველელი, გრძნობა, წლებისგან ვერ გალახული.

რალა დავწერო, თქმით ბევრი ითქმის, ერთი ქალშავა მე რომ მანამებს, ჩემს უნებურად გული კვლავ ითვლის უშენოდ გასულ წუთებს და წამებს.

რალა დავწერო, დღე ფარატინა საღამოს ჩრდილში გალუულია, გეტყვი, რომ გული უშენოდ მტკიცია, გეტყვი, სხეულიც მთვარეულია.

რალა დავწერო, დამზრალა სული, ღამეს რიფრაჟის გლეჯენ ეშვები, შენთან შეხვედრის გაუქრობ სურვილს, ვერ დავესსენი, ვერ შევეშვები!

დასავინყებლად არ მემეტები!

დაოსებულხარ ლოდინით გულო, ქალავ, რარიგად ცეცხლად მდებო, უცხო მხარეში გადაკარგული, დასავინყებლად არ მემეტები,

წლებია გეძებ, არ ჩანხარ, არა, ჩამოქნდილა წამად წუთები, დღემდე წარსულმა, რომ ვერ დავფარა, მიემედება, დამიბრუნდება...

მიემედები, შემოხსნი კარებს, გადნება ცაზე მთვარე, ცის მცველი, და შემოგაჭდობ სხეულზე მკლავებს, ჩავვირავს ვნება და სარეცელი.

„მაგრამ“ ... – ეს სიტყვა როგორ მაშინებს, რომ ნაწილ-ნაწილ შენზე ფიქრს მართმევს, ამ სიყვარულის ციხეს ნაშენებს დრო მისდგომია და ნელა ანგრევს.

რას იზამ, უნდა გაუძლო, გულო, ქალავ, რარიგად ცეცხლად მდებო, წლების წინ ჩემგან გადაკარგული, დასავინყებლად არ მემეტები.

შენი სახელი

შენ არასოდეს გერქმევა ღინდა, მუდამ იქნები ცაზე მზის სწორი, ძალიან მინდა, ძალიან მინდა, რომ სიკვდილამდე გზას გავყვეთ ორნი.

შენ არასოდეს გერქმევა თამო და არ იქნები გულგაყინული, მე გეტყვი, წამო, ლალ მთებში წამო, იქ გველოდება ჩემი ბიწული.

შენ არ იქნები ამპარტავანი, შენ არ იქნები გულგაყინული, ჩემთვის ესაა მხოლოდ მთავარი, ჩემს გვერდით იყო ჩავჭიდო ხელი.

მოხიბულია შენით მნახველი, რა საჭიროა ამის დანერა, შენი სახელი, შენი სახელი, ჩემთვის არაა მხოლოდ წარწერა.

მთვრალი ხთისია

კითხულობს მთვრალი ხთისია, (ქეიფობს მთელი სოფელი), ნეტავ ეს გოგო ვისია, ჰყავს თუ არა ჰყავს სწორფერი?!

ასეთი არ მინახია, ტრფობამ დამინვა გულია, იქნებ ბარელი კახია, არაა ჩვენებურია.

ვისია ქალი, ვისია, სადაურია, რა თემის, კითხულობს მთვრალი ხთისია, არაყით ღამენათევი.

დასალოცია მშობელი, ასეთი ღამაჰ ქალისა, მსურს მისი ვიყო სწორფერი, თუნდ, ცდა დამჭირდეს ძალისა.

არაფერს შევეუშინდები, არც ხანჯალს, არცა დანასა, ნავალ და გოგოს ხელსა ვთხოვ, იმის ძმასა და მამასა.

სხეულს მითროლოებს ხშირად, როცა მის ქათიბს ვეხები მთებში გვექნება ბინადა, ბნელი და მყუდრო ეხები.

ნეტავი წუთით მანახა, ამ გოგოს გული ვისია, ხალისი დარდმა გალახა, ბობოქრობს მთვრალი ხთისია.

გოგომ თქვა, გული სხვისია და არც გრძნობაა ორფერი, ბოდიში, მაგრამ ხთისია, სხვაგან ეძებ სწორფერი!

მკითხველს

კრძალვით შევდექი მე ამ ბილიკზე, თვითონ განსაჯე, ღირდა თუ არა, იქნებ არ ჰყვავის, როგორც პირიმზე, იქნება ჭკნობამ ჩამოუარა.

იქნებ გახუნდა გამა ფერების, დგას უსახური, როგორც ფიქალი, იქნება რითმას ვერ ვეფერები, არ დამიმალო, – აქ ვარ, მითხარი!

ალიოზ (შოი) ბათმანაშვილი - სტამბოლის ქართველ ყაითოღღო მამათა სევანის წინამძღვარი

(დაბადებიდან 135 წლისთავის გამო)

სტამბოლის ქართველ კათოლიკე მამათა ფერიქოის სავენე მრავალი ღირსეული მამულიშვილი მისცა ქართველ ერს. უპირველესად უნდა აღინიშნოს მისი დამფუძნებელი პეტრე ხარისჭირაშვილი და წინამძღვრები: მამა სტეფანე გიორგაძე, მამა ალფონს ხითაროშვილი, მამა ბენედიქტე ვარდიძე (ორგზის წინამძღვარი), მამა პიო ბალიძე (ორგზის წინამძღვარი), მამა შოი (ალიოზ) ბათმანაშვილი, მამა პეტრე ტატალაშვილი. პავლე აკობაშვილი – გამგე სავანისა, მისი უკანასკნელი მკვიდრი და დამცველი, სავანის ქომავი და მეცენატი, ქართველთა სათვისტომოს თავმჯდომარე პავლე ზაზაძე. უნდა აღინიშნოს, რომ დასახელებულ სავანეში აღიზარდნენ ისეთი საზოგადო მოღვაწეები და მეცნიერები, რომელთაც უდიდესი წვლილი შეიტანეს არა მხოლოდ ქართულ, არამედ მსოფლიო კულტურისა და მეცნიერების განვითარებაში. ესენი იყვნენ: მიხეილ თამარაშვილი – ისტორიკოსი, შალვა ვარდიძე – არაბისტი, ბერიუთის უნივერსიტეტის პროფესორი, პეტრე მერაბიშვილი – ეთიოპიაში მოღვაწე ექიმი, მიქელ თარხნიშვილი – ქართველოლოგი, ემანუელ ვარდიძე, დომინიკე მულაშვილი – ჟურნალ „ჯვარი ვაზისას“ რედაქტორი, იოანე (მიხეილ) ანტონაშვილი (ანტონოვი) – სარატოვის სასულიერო სემინარიის რექტორი და სხვანი.

მისი პირველი მასწავლებელი და ყველა სათვისტომოს საპატივსაცემო პირი – ივანე გვარამაძე. თავისი მასწავლებლისადმი განსაკუთრებულ დამოკიდებულებას ალიოზი მისდამი გაგზავნილ თითქმის ყველა წერილში ამჟღავნებდა. 1907 წელს იგი სწერდა: „თქვენი ბიოგრაფია წავიკითხე ზაქარია ჭიჭინაძისაგან შედგენილი. ძალიან მომწონა აღწერილი ცხოვრება. იგი მიმიღია გეგმად ჩემს მოქმედებისა.“



ალიოზ (შოი) ბათმანაშვილი იმ ქართველ კათოლიკეთა რიცხვს ეკუთვნოდა, რომლებმაც განათლება სტამბოლის ქართველ მამათა სავანეში მიიღეს, სადაც იგი 1896 წელს, თერთმეტი წლის ასაკში, გაემგზავრა. საყურადღებოა ის ფაქტი, რომ სავანის წინამძღვრებისა და იქ მოღვაწე პირთა მსგავსად დღემდე მონოგრაფიულად შეუსწავლელია ალიოზ ბათმანაშვილის ცხოვრება-მოღვაწეობა. სტამბოლის ქართველ მამათა სავანის არქივ-ფონდსა და ქართულ პრესაში გამოქვეყნებული მასალები, ასევე სამცხე-ჯავახეთის ისტორიის მუზეუმის ხელნაწერთა ფონდი ალიოზ ბათმანაშვილის – სავანის წინამძღვრისა და საზოგადო მოღვაწის, ცხოვრება-მოღვაწეობის მონოგრაფიული შესწავლის საშუალებას იძლევა.

ალიოზ ბათმანაშვილი სტამბოლში მიაგლინა ივანე გვარამაძემ, როგორც თავისი საუკეთესო მოწაფე. ერთ-ერთ წერილში იგი მასწავლებელს სწერდა: „მადლობას ვიძღვრები იმისათვის, რომ ჩემი აქ გამოგზავნა ინებო“ (ს.ჯ.ი.მ.ფ. N2695). როგორც მოძიებული მასალებიდან ჩანს, ალიოზ ბათმანაშვილი სავანეში ჩასვლიდან, აქტიური ცხოვრებით ცხოვრობდა, კერძოდ, 1903 წლისთვის მას დამთავრებული ჰქონდა წმინდა ალიოზის სახელობის ე.წ. პატარა სემინარია. იგი ივანე გვარამაძეს სწერდა: „მგონი უნდა იცოდეთ, რომ ამ წელს პატარა სემინარია გავათავე და 8 სექტემბერს ღვთის კაბა ჩავიცვი. ესწავლობ დიდ სემინარიაში. სულ 21 ვართ სემინარიელი“ (ს.ჯ.ი.მ.ფ. N2664, 1903 წ.).

წმინდა ალიოზის სემინარიის დასრულების შემდეგ, სავანის წინამძღვარმა მამა ალფონს ხითაროშვილმა იზრუნა მის შემდგომ განათლებაზე. სწორედ ამიტომაც სემინარიის კურსდამთავრებულები მიაბარა კაპუჩინებს. ერთი წლის შემდეგ მამა ალფონსმა თავისი მოწაფეები უკან დააბრუნა და გადაწყვიტა, – სავანეში გაეხსნა სასწავლებელი და მასწავლებლად მიიწვია იტალიაში მოღვაწე მიხეილ თამარაშვილი.

უნდა აღინიშნოს, რომ XIX საუკუნის 90-იანი წლებიდან 1911 წლამდე პერიოდი სტამბოლის სავანეში ალიოზ ბათმანაშვილის ცხოვრების პირველი ეტაპია. ეს იყო მისი მონაწილეობის პერიოდი. როგორც მისი ჩანაწერებიდან ჩანს, 1911 წლის სექტემბრიდან მის ცხოვრებაში დაიწყო ახალი პერიოდი, რამდენადაც 25 სექტემბერს მოხდა მისი მღვდლად კურთხევა. იგი მამინვე აქტიურად ჩაება სავანის ცხოვრებაში, ცდილობდა გონივრულად გამოეყენებინა იქ ყოფნის პერიოდი, სადაც საფუძველი ჩაეყარა მისი, როგორც მომავალი საზოგადო მოღვაწის, აღზრდას. მას სამშობლოშივე ჰყავდა თავისი იდეალი. ეს იყო

ბოდა: ამდენი ხანია მონასტერი არსებობდა ერთი მცირე დღე დახმარება საქართველოს შვილისგან არ მოსვლია და განა მონასტერი ჩვენი არის თუ საქართველოს შვილებისთვის. მე თუ პირადად მონასტერში შევდივარ, ეს მხოლოდ მამულის გარდამეტებული სიყვარულით არის, თვარემ ქვეყანაში ცხოვრების არ მემშინია. თუ საქმე გაჭირდა, ზურვით ბარგს ვატარებდი და ლუკმაპურს მოვიშოვნდი“ (ს.ჯ.ი.მ.ფ. N3992).

ამ წერილით ქართველ საზოგადოებას შეახსენებდა საქართველოსათვის სტამბოლში არსებული ქართული სავანის მნიშვნელობასა და, ამასთანავე, სავანეში მოღვაწე პირების ქვეყნისათვის თავგანწირვას, რომლებმაც სრულიად ბავშვებმა უარი თქვეს საკუთარ მე-ზე და ქვეყნის სამსახურში ჩადგნენ. მათი უმრავლესობა უცხოეთის ცის ქვეშ ცხოვრობდა ისე, რომ არც კი ღირსებით სამშობლოს ხილვა და მშობლიური მიწის გულზე დაყრა.

ალიოზ ბათმანაშვილის პიროვნების, როგორც საზოგადო მოღვაწის სრული გაზრებისათვის, ასევე მნიშვნელოვანია მიხეილ თამარაშვილისადმი მისი დამოკიდებულების წარმოჩენა, რაც კარგადაა ასახული მისდამი მიწერილ წერილებსა თუ დღიურებში. მიუხედავად იმისა, რომ მიხეილ თამარაშვილი გაცილებით უფროსი იყო მასზე, ამას ხელი არ შეუშლია მათი თანამშრომლობისა და მეგობრობისათვის. ისინი ხომ ახლო ნათესავები იყვნენ: ალიოზის და გაიანე იყო მიხეილის

შემონიულობის გზით. როგორც სავანეში მოძიებული მასალებიდან ჩანს, ალიოზ ბათმანაშვილი საქართველოში არა მარტო უკავშირდებოდა იმ ადამიანებს და სთხოვდა ბიბლიოთეკისათვის საჭირო წიგნებს, არამედ საგაზეთო კორესპონდენციებით მადლობას მოახსენებდა დახმარებისათვის. სავანეში დაცულია მამა ალიოზის მრავალი წერილი. ერთ-ერთი წერილში ალიოზ ბათმანაშვილი საუბრობს მეტად საინტერესო საკითხზე. კერძოდ, იმაზე, რომ აღნიშნული ბიბლიოთეკით სარგებლობდნენ სტამბოლში მცხოვრები ქართველი მუსულმანები: „ქართველი მუსულმანები უკვე გამოფხიზლდნენ და ყველას სურს შეისწავლოს დედა ენაზე წერაკითხვა და საუბარი. მრავალნი უკვე ცალკე გაკვეთილებზე დაიარებიან ცხონებულ პ. ანდრეას სასწავლებელში“ (ს.ჯ.ი.მ.ფ. ალიოზ ბათმანაშვილის წერილი რედაქტორისადმი). აღსანიშნავია ისიც, რომ ქართული ენის შესწავლის მსურველთა სავანეში მოღვაწე უფასოდ ასწავლიდნენ და ასევე უფასოდ აძლევდნენ იაკობ გოგებაშვილის „დედა ენის“ I ნაწილს, რაც მათ დიდ განცვიფრებას იწვევდა. რამდენადაც მრავალნი იყვნენ მსურველი ქართული ენის შესწავლისა, მამა ალიოზი სილოვან ხუნდაძეს სთხოვდა მის მიერ შედგენილ ქართული ენის გრამატიკას და სხვა სახელმძღვანელოებს.

1911 წლიდან ალიოზ ბათმანაშვილის ცხოვრებაში მნიშვნელოვანი რამ მოხდა. იგი 25 სექტემბერს სტამბოლის ქართველ მამათა სავანეში ქართული რიტით მღვდლად ეკურთხა. მის ჩანაწერში ვკითხულობთ: „28 სექტემბერი. მშობლებს: ჩემი მღვდლად კურთხევა. წუ კი იდარდები, რომ მანდ არ ვარ... 25 სექტემბერს ვეკურთხე. დიდებით ნივთა ვთქვი“ (ს.ჯ.ი.მ.ფ. ალიოზ ბათმანაშვილის ჩანაწერები). მღვდლად კურთხევა იყო მისი სტამბოლში გამგზავრების მიზანი, რასაც დიდი გარჯითა და ბეჯითი სწავლით მიაღწია. სტამბოლში ყოფნის ხანგრძლივი და უძიმესი პერიოდი – 1896-1911 წლები, მიზნის ასრულებით დასრულდა. მამა ალიოზი, ჯერ კიდევ 1907 წელს, ივანე გვარამაძეს სწერდა, რომ მღვდლად კურთხევის შემდეგ საქართველოში დაბრუნდებოდა რომ „თავი სამშობლოსათვის დამედევა“. მას კარგად მოეხსენებოდა, საქართველოში რაოდენ დიდი საჭიროება იყო კათოლიკე მღვდლებისა და, მით უმეტეს, ქართულ რიტზე მყოფი მღვდლისა (ს.ჯ.ი.მ.ფ. N3992, ალიოზ ბათმანაშვილის წერილი ივანე გვარამაძისადმი).


როგორც მოძიებული მასალებიდან ირკვევა, ალიოზ ბათმანაშვილმა თავისი მონაწილეობა და 1911 წლის ბოლოს იგი უკვე სამშობლოში დაბრუნდა, თავდაპირველად მსახურობდა ქუთაისში, ცოტა მოგვიანებით იყო ახალციხის მრევლის წინამძღვარი. როგორც სასულიერო პირი – მღვდელი, აქტიურ საზოგადოებრივ მოღვაწეობასაც ეწეოდა. მას კარგად ესმოდა, რომ სახელმწიფოებრიობისა და ეკლესიის ავტოკეფალიის აღდგენა, ქართველი კათოლიკეებისთვის ქართული რიტის მოპოვება დამოკიდებული იყო ეროვნული ძალების გაერთიანებაზე. მათ შორის საქართველოში მცხოვრები და საზღვარგარეთ მოღვაწე ქართველი კათოლიკეების ერთობაზე. აქედან გამომდინარე იყო, რომ ალიოზი ყოველთვის ინარჩუნებდა კავშირს სტამბოლის მამათა სავანესთან, რამდენადაც სწორედ ეს სავანე იყო ქართველ კათოლიკეთა და მესხ განმანათლებელთა ერთ-ერთი კერა. 1912-1921 წლებში იგი რამდენჯერმე ჩავიდა კონსტანტინეპოლში. უნდა აღინიშნოს, რომ

ღვთის სიტყვებთან ერთად მამულის სიყვარულს უუყვარდავებ ჩემს მისაგულდ მრევლს, თუ ღმერთმა ინება ჩემი მღვდლად მოწოდება... თქვენი ნაწერები დია მომწონს... აგრეთვე ძალიან მომწონს თქვენი მოღვაწეობა მნიშვნელობაში და გარდაწყვეტილი მაქვს ამაშიც თქვენ მოგბადით. თქვენსავით დიდის ყურადღებით შევაგროვებ ჩვენი ძველი ცხოვრების ნაშთს. ეს შრომა კიდევ დაწყებული მაქვს. ჩვენი მონასტრის ბიბლიოთეკაში უყურადღებოდ მიყრილი იყვნენ რამდენიმე ხელნაწერი, მლილთაგან შემსუღნი და ნოტიობისაგან დაზიანებული. ისინი შევაგროვებ და სულ გაჭირვებულ ჯერ-ჯერობით 10 ხელნაწერი მაქვს ხელში. ამათგან ოთხზე თქვენი ხელი აწერია... ძნელად წარმოიდგენთ, რა რიგ ნუგეშია მწირ ქართველისათვის, როდესაც იგი ეღიარება მამაპაპათ დიდებულ ნაშთების ნახვას.“

ალიოზ ბათმანაშვილის წერილებიდან და ჩანაწერებიდან ნათლად ჩანს, რომ მას თავისი მასწავლებლის მიმართ მამაშვილური სიყვარული ჰქონდა. „ახ, რა კარგი იქნებოდა, რომ ხანდისხან ჰაერის გამოსაცვლელად აქეთკენაც გამოვივლიდეთ, ძალიან სასიამოვნოდ დაგვრჩება ჩვენ ყველა მოსწავლე ქართველებს“ (ს.ჯ.ი.მ.ფ.). იგი განსაკუთრებით იყო დაინტერესებული იმით, რომ ივანე გვარამაძეს თავისი ხელნაწერები შეეწირა სავანისათვის, რომელსაც სიამოვნებით განათავსებდნენ „ეგროპულს გემოზედ აშენებულ სახლში.“

ალიოზ ბათმანაშვილის წერილებიდან და დღიურებიდან ასევე ჩანს მისი დიდი სიყვარული ალფონს ხითაროშვილისადმი, რომლის სავანეში ყოფნის პირველი პერიოდი თითქმის ემთხვევა მის სავანის წინამძღვრობის პერიოდს (1898-1905 წწ). იგი იყო მისი როგორც თანამედროვე, ასევე, როგორც საზოგადო მოღვაწის, შემფასებელიც, ამავე დროს, იმ რვა მოწაფეს შორის, ერთ-ერთი, რომელიც „გაუწვრთნია მამულის სიყვარულში პატრ ალფონსს.“

ალიოზ ბათმანაშვილი ივანე გვარამაძეს სწერდა: „ჩვენი წინანდელი უფროსი პადრე ალფონსი, ღირსად სახსენებელი, გვეუბნე-



დებდა. ე.ი. ალიოზი იყო მიხეილის ბიძა. როგორც ჩანს, ეს ნათესაური სიახლოვე უფლებას აძლევდა ალიოზს, რომ, როცა სულიერად გაუჭირდებოდა, გულს თავის დისშვილთან ითხებდა. კონსტანტინეპოლში მყოფი სწირად ეხმარებოდა რომში მყოფ მიხეილს. აცნობებდა სავანის მდგომარეობას, ხშირად აზრსაც ეკითხებოდა.

მამა ალიოზმა, სხვა მოღვაწეებთან ერთად, დიდი წვლილი შეიტანა 1909 წელს სავანეში დაარსებულ აკაკის სახელობის ბიბლიოთეკის წიგნადი ფონდის შექმნაში. ბიბლიოთეკის ფუნქციონირებაზე მას სწორი აზრი ჰქონდა. მიაჩნდა, რომ ეს ბიბლიოთეკა დიდ სამსახურს გაუწევდა როგორც სტამბოლელს, ისე საქართველოში მცხოვრებ ქართველებსაც, რამდენადაც ბევრ ქართველს უწევდა მამულის დატოვება და, გარკვეული დროით, სტამბოლში გაჩერება. მათთვის დიდი შემწეობა იყო ბიბლიოთეკა. ბიბლიოთეკის წიგნადი ფონდის შექმნა ხდებოდა ძირითადად





XIX-XX საუკუნეთა მიჯნაზე მესხური განმანათლებლობის ორი მძლავრი კერა ფუნქციონირებდა. მესხური განმანათლებლობის მისიას ამ კუთხეში მცხოვრები სარწმუნოებრივად გათავისუფლებული მოსახლეობის ეროვნული გადაგვარების თავიდან აცილება, მათი კულტურული დანაშაურობა, განათლების გაცრცელება და ეროვნული წეს-ჩვეულებებისა და ტრადიციების შენარჩუნება-დაცვა წარმოადგენდა. მესხ განმანათლებელთა სამოღვაწეო ასპარეზი იყო სამცხე-ჯავახეთი და კონსტანტინეპოლი. კონსტანტინეპოლის კერას საფუძველი პეტრე ხარისჭირაშვილმა ჩაუყარა, სამცხე-ჯავახეთში მესხი განმანათლებლები უშუალოდ ივანე გვარამაძის გარშემო იყვნენ შეკრებილნი. (ნ. ყრუაშვილი, ივანე გვარამაძის როლი მესხურ განმანათლებლობაში, თბ. 2008, გვ.20). საყურადღებოა ის ფაქტიც, რომ სტამბოლის მამათა სავანეში მოღვაწე პირთა დიდი უმრავლესობა მესხეთიდან იყო.

მამა ალიოზ ბათმანაშვილის სამშობლოში (1912-1922წწ.) მოღვაწეობის შესწავლის საშუალებას იძლევა სამცხე-ჯავახეთის ისტორიული მუზეუმის ხელნაწერთა ფონდში დაცული მასალები, ასევე იმ პერიოდის ქართული პერიოდიკა. იგი ივანე გვარამაძის გარდაცვალების შემდეგ დაბრუნდა მშობლიურ კუთხეში და მისი საქმის ერთ-ერთი გამგრძელებელი გახდა. ანუ ყველაფერს აკეთებდა, რომ დაეცვა ქართველი კათოლიკე მრევლი, მათი ინტერესების დამცველი იყო ყველგან: ეკლესიაშიც და მის გარეთაც, რამდენადაც მის მიერ გადადგმულ თითოეულ ნაბიჯს ეროვნულობა ედო საფუძვლად. იგი ერთ-ერთი პირველი მღვდელთაგანი იყო, რომელიც წინ აღუდგა ეკლესიაში გაბატონებულ წესს: საეკლესიო დავებში ქართული გვარების დამახინჯებით შეტანას. მას დავებში ახალდაბადებულთა, დაქორწინებულთა და გარდაცვლილთა გვარი სწორად – ქართულად შექპონდა.

მშობლიურ კუთხეში დაბრუნებული მამა ალიოზ ბათმანაშვილი მღვდლად გამწესდა ახალციხეში – პატრიარხანთ ეკლესიაში, სადაც გარკვეული დროით მოღვაწეობდა ნა. ჯვრის ეკლესიაში. 1920 წლის მდგომარეობით იგი ნა. სავარდის ეკლესიაში მსახურობდა. უნდა ითქვას რომ მამა ალიოზის სამოღვაწეო ასპარეზი მხოლოდ ეკლესია არ იყო. იგი აქტიურ საზოგადოებრივ-საქველმოქმედო საქმიანობითაც იყო ცნობილი. 1918 წლის მდგომარეობით ალიოზ ბათმანაშვილი რაბათის საქველმოქმედო საზოგადოების ქართული სახალხო სკოლის გამგეობის თავმჯდომარე იყო. იგი პედაგოგიურ მოღვაწეობასაც ეწეოდა ახალციხის გიმნაზიაში, სადაც ასწავლიდა საღმრთო ისტორიასა და ლოცვებს.

ალიოზ ბათმანაშვილს სამშობლოში მოღვაწეობა მეტად რთულ პოლიტიკურ ვითარებაში მოუწია. ეს პირველი მსოფლიო ომის პერიოდი და არანაკლებ რთული მდგომარეობა შეიქმნა სამცხე-ჯავახეთში მის შემდგომ წლებშიც. როგორც მოძიებული მასალებიდან ირკვევა, იგი აქტიურად იყო ჩართული კუთხის პოლიტიკურ ცხოვრებაში. კერძოდ, ერთ-ერთი ინიციატორი და მონაწილეა 1918 წლის 9 აპრილს ახალციხეში შექმნილი „ქრისტიან ბავშვთა კავშირისა“, სადაც იგი ამ კავშირის მეთვალყურეა და მისი ერთ-ერთი მიზანი გლახაკების დახმარება, რასაც ახერხებდა სოფლად – გლეხებისაგან სანოვაციის შეგროვებას და მათთვის გადაცემას. როგორც ჩანს, სანამ დასახლებული კავშირი ქმედით ღონისძიებებს განახორციელებდა, მოსახლეობას წინასწარ მიმართა თხოვნით თანამშრომლობისათვის (ს.ჯ.ი.მ. დ/ფ. N70, ქრისტიან ბავშვთა კავშირი). ალიოზ ბათმანაშვილმა შალვა ვარდიძესთან (სტამბოლის ქართული მონასტრის გამგე და წარმომადგენელი) შეადგინა პროექტი, რომელიც განსახილველად გადაეცა კომიტეტს. პროექტში ყურადღება გამახვილებული იყო შემდეგ საკითხებზე: შექმნილი მდგომარეობიდან გამომდინარე მრევლს სურსათი ექვსი თვის განმავლობაში უნდა შეეძინა ფასდაკლებით. კომიტეტის განკარგულებაში უნდა ყოფილიყო ერთი ექიმი, რომელიც მიხედვდა ავადმყოფებს და მოამარაგებდა წამლებით. უნდა შემდგარიყო უსახლკაროდ დარჩენილი ქართველი გლეხების სია, რომელთაც გადაეცემათ „ექვსი თვის საცხოვრისი სამუხრუნეო იარაღითურთ.“ ასევე უნდა მოქცეოდნენ იმ ქართველ მაჰმადიანებს, რომლებსაც არ და-

უტოვებიათ თავიანთი სოფლები. კომიტეტს უნდა ეზრუნა გლეხების საკუთარ მიწაზე დაბრუნებაზე გადამწვარი სოფლების აშენების შემდეგ. (ს.ჯ.ი.მ. დ/ფ. N70, პროექტი შედგენილია ალ. ბათმანაშვილისა და შ. ვარდიძის მიერ).

პირველი მსოფლიო ომის პერიოდში თბილისის ქართული საქველმოქმედო საზოგადოების მიერ ბავშვთა თავშესაფარი იქნა დაარსებული ქალაქ ახალციხეში. ადგილობრივი ინტელიგენცია ამ ამბავს მოწონებით შეხვდა. ბავშვთა თავშესაფარი ერთგვარი სკოლა-ინტერნატი იყო, სადაც განათავსებული იყვნენ საომარი მოქმედების ზონიდან გამოყვანილი ქართველ მაჰმადიანთა ობლად დარჩენილი ბავშვები. თავშესაფარს მზრუნველობას უწევდა ზაქარია დიდიმამიშვილის მიერ დაარსებული კოოპერატივი „მესხეთი“. დაობლებულ მაჰმადიან ქართველ ბავშვებს ქართულ ენაზე ასწავლიდა პატრი ალიოზ ბათმანაშვილი იქამდე, სანამ 1918 წლის 4 ივნისის ბათუმის ხელშეკრულებით თავშესაფარი მოიშალა და აღსაზრდელები ოსმალებმა თურქეთში წაიყვანეს.

XX საუკუნის დასაწყისში, რევოლუციის დამარცხების შემდგომ, ქართული ტიპიკონისათვის ბრძოლა კვლავ ახალი ძალით განახლდა. ამ ბრძოლაში განსაკუთრებით დიდი ინტერესითა და მონაწილეობით ჩაერთო ახალგაზრდობა. მამა ალიოზი, როგორც ახალგაზრდა თაობის ერთ-ერთი წარმომადგენელი,



—შალვა ვარდიძე, ალიოზ ბათმანაშვილი და პეტრე ტატალაშვილი სტამბოლელ ქართველებთან

პროგრესულად აზროვნებდა და ლიად ემხრობოდა ქართული კათოლიკური ეკლესიის ბრძოლას ქართული ტიპიკონის მოპოვებისათვის. ალიოზმა ქუთაისში ქართულად იქადაგა,

როგორც მამა ალიოზის საარქივო მასალებიდან ჩანს ის არ უშინდებოდა წინააღმდეგობებს. ოპტიმისტურად იყო განწყობილი და მიაჩნდა, რომ ქართველი კათოლიკენი აუცილებლად მოიპოვებდნენ ქართულ ტიპიკონს. იგი მამა პიო ბალიძეს ერთ-ერთ წერილში სწერდა: „თუ დღეს არა, ხვალ მაინც ქართული ტიპიკონი გამეფდება ჩვენში. ეს აუცილებლად მოხდება. ამ მიზნის მისაღწევად ერთ-ერთ აუცილებლობად მიაჩნდა მოსახლეობის მომზადება და სავარდის ძმობის ჩამოყალიბება: „კათოლიკობა მაშინ აღყვავდება თუ ეს ძმობა გაცხოველდა. მაშინ ძმადებს გავაცნობ ქართულ ტიპიკონს. ეს არც ძალიან გავრძელებდა. ამ წელსვე შეიძლება მოეწყოს.“ (ს.ჯ.ი.მ.ს.მ. ალიოზ ბათმანაშვილის წერილი პიო ბალიძისადმი)

1922 წლის დასაწყისში სტამბოლის ქართველ კათოლიკე მამათა სავანეში წინამძღვრის მორიგი არჩევნები ჩატარდა. წინამძღვრად არჩეულ იქნა ალიოზ (შიო) ბათმანიშვილი – მამა ალიოზის ხითაროშვილის კიდევ ერთ-ერთი მოწაფე. ამდენად, მამა ალიოზ ბათმანაშვილის ცხოვრებაში 1922 წლიდან ახალი პერიოდი დაიწყო. მას კვლავ მოუხდა სამშობლოს დატოვება და სტამბოლში გამგზავრება. საყურადღებოა ის ფაქტი, რომ მამა ალიოზმა სტამბოლში გამგზავრების წინ მოითხოვა საკმაოდ დიდი რაოდენობის ნივთების გატანის უფლება. იგი ერთ-ერთი იმთავითვე იყო, რომელიც აქტიურად იღწვოდა სავანეში აკაკის სახელობის ბიბლიოთეკის დაარსებისათვის და ზრუნავდა მისი წიგნადი ფონდის გამდიდრებისათვის. წიგნებთან ერთად ასევე მოითხოვა 70-მდე გაზეთის: კომუნისტის, ტრამუნის, მუშის – ნაღების უფლებაც. მათი საერთო რაოდენობა რამდენიმე

ათულს შეადგენდა და დიდი შენაძენი იყო სავანისათვის.

მამა ალიოზ ბათმანაშვილის წინამძღვრობის დასაწყისი დაემთხვა საქართველოში ახალი – სოციალისტური ხელისუფლების დამყარებას. 1921 წლის თებერვალში წითელი არმიამ მოახდინა დამოუკიდებელი საქართველოს რესპუბლიკის სამხედრო ოკუპაცია. საქართველოს ეროვნული მთავრობა იძულებული გახდა დაეტოვებინა ქვეყანა და საზღვარგარეთ გაეგზავნა. მთავრობა სამი თვის განმავლობაში თურქეთში იმყოფებოდა. მთავრობას გაჰყვა ინტელიგენციის (მეცნიერების, მწერლების) დიდი ნაწილი. ისინი ფიქრობდნენ რომ საფრანგეთში დროებით დამკვიდრდებოდნენ, იქიდან ევროპული სახელმწიფოების დახმარებით გააძელებდნენ ბრძოლას დამოუკიდებლობის მოსაპოვებლად.

თურქეთში – სტამბოლში მყოფ ეროვნულ მთავრობას საცხოვრებელითა და ყველა საჭიროებით დახმარება გაუწია ქართულმა სავანემ. მთავრობის წევრებმა მაშინვე შექმნეს სავანის მამათა გაცნობა და მათი ღვაწლის შეფასება. მამა ალიოზის დღიურებში ბევრი საინტერესო ცნობაა შემონახული. „ვიწახულებ მინისტრი ერასი და გ. ჯუღელი – დანარჩენი ქართველებით მასთან რომ დგანან. ჯუღელის დაკვირვებით კათოლიკე სამღვდელთა ბევრად მაშლა დგას მართლმადიდებლობასთან შედარებით. სინანულს გამოს-

ვიკური მთავრობა სასტიკად გაუსწორდა: 1927 წლის 16 ოქტომბერს იგი თბილისში დააპატიმრეს. 1928 წლის 16 იანვარს რსფსრ-ს სისხლის სამართლის კოდექსის 58-ე და 59-ე მუხლების შესაბამისად მიესჯა ათი წლით პატიმრობა „ამინისტრის გამოყენების გარეშე“. გადასახლებულ იქნა სოლოვეცკის განსაკუთრებული დანიშნულების ბანაკში. 1930 წელს იგი გადაიყვანეს კუნძულ ანზერზე, სადაც 1932 წლის 5 ივლისს დაპატიმრებულ იქნა კათოლიკური სასულიერო პირების ჯგუფურ საქმეზე, რომელთაც ბრალდებოდათ „ანტისაბჭოთა დაჯგუფების შექმნა, რომელიც ანარქობადა ანტისაბჭოთა აგიტაციას. გამოძიებამ შუამდგომლობით მიმართა სასამართლოს „სასჯელის მოხდის ბოლომდე მისი განცალკევებით დატოვების თაობაზე“. 1937 წელს გადაიყვანეს ციხის რეჟიმზე. მას ბრალი ედებოდა იმაში, რომ „სოლოვეკაში ყოფნის დროს, იგი შედიოდა როგორც აქტიური წევრი მღვდლების კონტრრევოლუციურ ჯგუფში, ავლენდა ანტისაბჭოთა განწყობას, ყაზარმებში ენოდა ღვთისმსახურებას, სისტემატურად გამოდიოდა მღვდლებთან წინაშე კონტრრევოლუციური სიტყვები“. 1937 წლის 14 ოქტომბერს ლენინგრადის ოლქის სასკომ საბჭოს მიერ მას მიესჯა სასჯელის უმაღლესი ზომა – სიკვდილით დასჯა. იმავე წლის 1 ნოემბერს იგი დახვრიტეს სანდორმოხის გზაზე მედვერესკის კოლონიან. „საბრალდებლო დასკვნადან“, რომელიც შიო ბათმანაშვილს წაუყენეს 1937 წლის 11 ოქტომბერს, მოვიყვანთ ამონარიდს: „ქალაქ კონსტანტინეპოლის უბინოდ ჩასახვის სახელობის ქართულ-კათოლიკურ მამათა მონასტრიდან წინამძღვრად ყოფნის პერიოდში, თავის უფლებამოსი მონასტრის საკუთრებაში იყო შენობებში, რომლებიც განათავსებულია ზემოთაღნიშნული მონასტრის ტერიტორიაზე, შეეკრიბა ქართული კონტრრევოლუციური ემიგრაცია, რომელიც გამოაძევეს სამშობლოდან გასაბჭოების დროს 1921 წელს. ემიგრანტები მონასტერში დარჩნენ 1923 წლის ჩათვლით. იმ შენობების გარდა, რომელიც ემიგრანტებს გადასცეს საცხოვრებლად, მონასტრის ადმინისტრაციამ რამდენიმე წლის განმავლობაში, ანტისაბჭოთა ორგანიზაციას ასევე გადასცა მონასტრის საკუთრებაში მყოფი სტამბა, რომელსაც ისინი იყენებდნენ ანტისაბჭოთა ბროშურების, გაზეთებისა და სხვა მასალის დასაბეჭდად, რაც მიმართული იყო საბჭოთა ხელისუფლების დასამხობად და დისკრეტიზაციისათვის. კითხვაზე – აღიარებს თუ არა მოქალაქე ბათმანაშვილი, რომ სტამბის ემიგრანტებისათვის გადაცემა იყო პოლიტიკური შეცდომა, ამ უკანასკნელმა პასუხი დაადასტურა, რომ ემიგრანტებისათვის სტამბის გადაცემას „პოლიტიკურ შეცდომად არ მიიჩნევდა“. (შიო გიორგის ძე ბათმანაშვილი, ენციკლოპედია) მამა შიო ბათმანაშვილი ერთ-ერთი მათგანი იყო, რომელიც შეინირა კომუნისტურმა რეჟიმმა. ციმბირში ასევე გადასახლებულ სტამბოლის მონასტერში აღზრდილი მღვდლები: კონსტანტინე საფარაშვილი, ემანუელ ვარდიძე, ანდრია აფრიაშვილი და სხვები. მათ თავისუფალ საქართველოში დაბრუნება სიცოცხლის ფასად დაუჯდათ.

ამრიგად, ალიოზ (შიო) ბათმანაშვილი XIX-XX საუკუნეთა მიჯნაზე მოღვაწე ერთ-ერთი ღირსეული საზოგადო მოღვაწე იყო, რომელიც მთელი სიცოცხლის განმავლობაში ერთგულად ემსახურა ქართველი ხალხის განათლებასა და კულტურულ დანაშაურობას. კომუნისტური რეჟიმის პირობებშიც კი მათი რელიგიური რწმუნის შენარჩუნებაზე ზრუნავდა. იყო სტამბოლის ქართული სავანის ღირსეული წინამძღვარი. ქართველ კათოლიკეთა მოძღვარი, ქომაგი და დამცველი. მისი მოღვაწეობა დღემდე უცნობია ფართო საზოგადოებისათვის, ქართულ პრესაში და სამეცნიერო ლიტერატურაში დღემდე არაფერი თქმულა. თავისი მრავალმხრივი მოღვაწეობით იმსახურებს, რომ მას იცნობდეს ქართველი საზოგადოება. წინამდებარე სტატიით გვინდა პატივი მივაგოთ ღირსეულ ქართველ მამულიშვილს. მიმდინარე წლის 23 ოქტომბერს დაბადებიდან ასოციატოთმეტის წლისთავი შეუსრულდება. ვიტოვებთ იმედს, რომ მამა ალიოზის საიუბილეოდ, მის შესახებ გამოვეცემთ ვრცელ მონოგრაფიას. და, ეს ნაშრომიც იქნება ერთ-ერთი „შესაფერისი ეპითეტი“ სამშობლოსათვის თავგანწირული მამულიშვილების ცხოვრება-მოღვაწეობისა.

დახვრამტამისჯილი პერსონაჟი

გიორგი ოზანელი

დიდი ნაკითხობით თავს ვერ მოვიწონებ, მაგრამ უცხო მთლად უნიგნურიც ნუ ვეგონები. ალბათ, დამეთანხმებიან: ჩემი ასაკის (1942 წ.), განათლების (თსუ, ისტორიის ფაკულტეტი), საქმიანობის (მწერალი), ერთ-ერთი გატაცების (კითხვა) კვლობაზე ცოტა რამ მაინც მექნება ნაკითხული!

რისთვის დამჭირდა ამგვარი შესავალი? აი, რისთვის: მხატვრული ლიტერატურის მსოფლიო საგანძურისა და ქართულ და რუსულ ენებზე „ზოგი რამ“ მეც წამიკითხავს, იქ რაღაღაირ ამაზრუნე პერსონაჟებს არ გადავყრილვარ, მაგრამ ასეთი რამ ჯერ არასოდეს დამმართვია, რაც 2018 წლის 23 თებერვლის „ლიტერატურულ საქართველოში“ გამოქვეყნებული კუკური ბუხრაშვილის მოთხრობის, „ჭოპორტის პამიდვრები“ ნაკითხვისთანავე დამმართა. უსაზღვროდ აღშოვთებულმა ჩემმა მწერლურმა წარმომსახვევამ გამოუტანა სასჯელის უმაღლესი ზომა – ადგილზევე დახვრამტამი!

სუსტნერვებიანები თავს ტყუილბურალოდ ნუ აიღებენ, რადგან განაჩენი სისრულეში მოყვანილი არ არის და, ცხადია, ვერც ვერასოდეს მოვიყვან, ვინაიდან ეს მხოლოდ პირობითი ლიტერატურულ-კრიტიკული თამაშია! მაგრამ საკითხს ზერელედაც ნუ მიუდგებიან – აქ ქართველი მამაკაცის, მთელი ჩვენი საზოგადოების ზნეობის დღევანდელ სურათსა და მომავალთან გვექნება საქმე! თუმცა მე ვერც ერთ ლიტერატურულ ადვოკატს ვერ ავუკრძალავ, რათა ჩემ მიერ დახვრამტამისჯილ პერსონაჟს განაჩენი შეუმსუბუქონ ან, თუგინდ, სულაც, გაუშუმონ, ანდა, წარბაქვრით მკაცრად მიმანიშნოს ლიტერატურული დუელის ბარიერი, სადაც, ალბათ, ერთიღა გადარჩება მორალურად „ცოცხალი“!

რაკი ჩემი ავტორიტეტი საკმარისად არ მიმჩნია, „ლიტერატურული მესხეთის“ რედაქტორს, ბ-ნ ავთანდილ ბერიძეს მკითხველი საზოგადოების სახელით უმორჩილესად ვთხოვ, კ. ბუხრაშვილის ეს მცირე ტექსტი შეუმოკლებლად დაბეჭდოს, ვინაიდან მკითხველები ყველაფერს უშუალოდ პირველწყაროდან შეიტყობენ და მეც ძალიან ცოტადა დამრჩება სალაპარაკო. ამით კი ყველა მოიგებს: გაზეთიც, მკითხველიც, განაწამები ავტორიც! ბარემ, აქვე დავამატებ: ადგილის დაზოგვის მიზნით ტექსტში გაპარულ სხვადასხვა ყაიდის შეცდომებს არ შევეხები, სათაურისადმი გაჩუმებას კი ვერ ვახერხებ!

რას ჰქვია „ჭოპორტის პამიდვრები“? განა ვამბობთ, გორის ვაშლები, თიანეთის ლობიოები, ბულგარეთის წინაკები, კოლხეთის ხობები?!.. სწორია: ჭოპორტული პომიდორი, გორული ვაშლი, თიანეთური ლობიო, ბულგარული წინაკა, კოლხური ხობი და ა.შ.

მაშ, ასე: აი, კუკური ბუხრაშვილის მოთხრობის სრული ტექსტი:

ჭოპორტის პამიდვრები

ერთ შაბათ დღეს აგარაკისკენ მიმავალმა მცხეთის ბაზარში შევიარე. შაბათობით კარგი ბაზარი იცის. სულ რომ არაფერი მიხდოდეს, მაინც მესხლისება თვალის გადავლება. რას არ ნახავ აქ. განსაკუთრებით ამ დროს, როდესაც თითქმის ყველა ხილი და ბოსტნეული შემოსულია. ავიარე და ჩავიარე რიგები. ჭყინტი სიმინდი და შავგულა მსხალი დავიგულე, კიდევ ვათვალისწინებ და უეცრად თვალი პომიდვრებით სავსე კალათასთან მდგომ გოგოზე მიშტერდება. მაღალი, აშოლტილი გოგოა, მონთალაო თმა აქვს, შუბლზე დაფენილი, თეთრ სახეს ჭოროფი მოსდებია. ცისფერი უმკლავებო კაბა აცვია, გულ-მკერდზე და თეძოებზე შემოტმასნილი. დგას და მყიდველს ელოდება. ახლა პამიდვრებს არ იკითხავთ? – ყიდვაც რომ არ გინდოდეს, ძალით გაყიდინებს თავს.

– სადაურია შენი პამიდორი? – ვეკითხები.

– ჭოპორტულია, – დაუყოვნებლივ მპასუხობს.

– ჭოპორტული პამიდორი განთქმულია. ახლა ყველა ჭოპორტულს გაიძახის,

– ვუთხარი მე.
– ტყუილს რათ ვიტყვი, ზედ არ ეტყობა?

– კი, ეტყობა, კარგი პამიდორია. როგორ ყიდო?

– ორ ლარად, – მითხრა და ამათვალისწინებლად მიმავალი ვარ თუ არა.

– ცოტას არ დააკლებ?

– არა, ეგრე უნა გავეყოფი.

– რამდენი კილოა?

– სულ გინდა?

– ხო, მთელი კალათა.

– სახლში ავწონე, ათ კილოზე ცოტათი მეტია.

– როგორ წავილო, თან არაფერი მაქვს.

– პარკები იყიდე, შვილო, – მეუბნება იქვე ახლოს დაბალ სკამზე მჯდომი მოხუცი ქალი, რომელსაც წინ ტომსიკით გურულა ლობიო და კვერცხებიანი კალათა უდგას.

– პარკებში დაიჭყლიტება, – ვეუბნები.

– რა დაჭყლიტებს, ვაშლივით არის. გოგოს თვალს ვერ ვაშორებ. რად მინდა პამიდორი, ჩემი სამყოფი მეც მომდის, თავში მაცდურდი აზრი მიტრიალებს.

– მანქანამდე მიმბრუნებინე, – ვეუბნები.

– სად არის მანქანა?

– აქვე, შემოსასვლელთან.

გოგო დაფიქრდა, ვატყობ, ჩემი ნათქვამი არ მოეწონა.

– რა გქვია? – ვეკითხები.

– ანანო, – პატარა დაფიქრების შემდეგ მეუბნება.

– იცი რა, ანანო, შენ აქედან მოკიდევ კალათს ხელი, მე მეორე მხრიდან და გავიტანო.

– ერთ კალათს ორი ადამიანი რათ უნდა, შენც კარგად მოერევი, გაიტანე და კალათი დამიბრუნე.

– რათა, შვილო, გაჰყვიე შენცა, – ეუბნება მოხუცი ქალი.

ანანო დაფიქრდა. მერე კალათს დაავლო ხელი.

– მომიკიდე, – მითხრა.

– აკი, ორი ხელი არ უნდაო?

– მოკიდე, მოკიდე.

კალათი მანქანამდე მივიტინე. საბარგული გავხსენი და კალათი შევდგი.

– რას აკეთებ? – მკვახტე მეკითხება.

– აქვე ვარ, ბარემ სახლამდე მიმბრუნებინე, მერე შენც სახლში წახვალ.

– სადა ცხოვრობ?

– აქვე, ახლოს.

მანქანის უკანა კარი გამოვადე.

– დაჯექი, – ვუთხარი.

– ფული გადამიხადე.

– რა იყო, არ მენდობი?

საფულე გავხსენი, ოცლარიანი ამოვიღე.

უხმოდ გამომართვა. დახედა და მითხრა:

– შებრუნდი იქით.

– რათა?

– ფული უნდა შევინახო.

შეებრუნდი, მაგრამ ცნობისმოყვარეობა მკლავს. რომ შემოვბრუნდე, ვითომ რას იზამს?

ანანომ ფული მოკუჭა და აკოკრებულ, ვარდისფერ ძუძუებს შუა ჩაიჭურთა. ისევ შეებრუნდი, ვითომც არ დამენახოს.

– შემობრუნდი, – მითხრა.

– ფული რა უყავი? – ვეკითხე.

– შევინახე.

– სად შეინახე, საფულე შენ არა გაქვს და...

– რა შენი საქმეა.

– სუპერმარკეტთან რომ გავივლით, საფულეს გიყიდი საჩუქრად.

– არ მჭირდება შენი საჩუქარი, სახლში ჩემიცა მაქვს.

– მერე, რატომ არ წამოიღე?

– მანქანა მაჩქარებდა, კინალამ გამომასწრო.

მთავარ გზაზე გავედით და სიჩქარეს მოვუმბაძე.

– რა გიყოფით მთარბენინებ, ცოტა ნელა წადი.

მცხეთას რომ გავცდით, ანანო ამიჯანყდა.

– აკი, ახლოს ვცხოვრობო, სად მიერეკები?

– აქ ყველაფერი ახლოა.

– ვატყობ, ცოტა ნანწყინია.

– სახლში ვინ გყავს ანანო? – ვეკითხები, მინდა ლაპარაკით გავართო.

– ბებია, – მეუბნება უხალისოდ.

– მარტო ბებია?

– ხო, მამა არა მყავს, დედა საბერძნეთშია.

მთავარი გზიდან გადავუხვიე.

– ნატახტარში ნაცხოვრებხარ, – მითხრა.

– ხო, – ვუთხარი.

– სახლში ვინა გყავს?

– ცოლი და სამი შვილი.

ჩემი სახლი არაგვის მხარეს სულ ბოლოშია. ერთი მეზობლის მეტი არავინა მყავს. რკინის კართან ვაჩერებ მანქანას. გადმოვიდვარ, დაკეტილ კარს გასაღებით ვაღებ.

ანანო მანქანიდან მიყვირის.

– ცოლ-შვილი ჩაკეტილში გყავს?

– ხო, ბავშვები რომ არ გამოექცნენ.

გგონია, იჯერებს? არ იჯერებს, მაგრამ, არც ის იცის, რა გააკეთოს.

საბარგულს ვხსნი, კალათი გადმომაქვს. ეზოში მაგიდა მიდგას. კალათს ზედ ვდგამ. რამდენიმე პამიდორსაც მაგიდაზე ვანყობ.

– ზვიდან კარგები დაგილაგებია, ქვეშ სულ წერილები და დამპლებია, – ვეუბნები.

– რაებს ამბობ, გაცალე და ნახავ.

– მოდი, ნახე, თუ არ გჯერა, – ვეუბნები. მინდა ეზოში შემოვიტყუო.

– მე არ ვიცი, რა ჩავანყვე?

– იქნებ, ბებიაშენმა შეცვალა?

– რა სისულელეს ამბობ, ბებიაჩემი ეგეთი ქალი არ არი.

– გადმოდი და შენი თვალთ ნახე. გადმოვიდა.

– ეს არი წერილები და დამპლები? განა ვერ ვხვდები შენ ეშმაკობას?

თვალეში ჩამოშლილ თმას სულის შებერვით ისწორებს.

– გაცალე კალათი და გზაზე გამიყვანე.

ალუბლის ხის ქვეშ დადგმულ მერხზე ვუთითებ.

– შენ აქ დაჯექი, მე კალათს გავცლი. სახლისკენ მივიდვარ. ჯიბიდან გასაღებს ვიღებ და კარის გაღებას ვცდილობ.

– სახლში ჩაკეტილი გაქვს? – მომძახა.

– მოდი, ბავშვები გავაცნო.

– გამოუშვი, გარეთ გავიცნობ.

კალათი გავცალე, სახლიდან გამოვიედი და გვერდით მივუჯექი.

ანანო მიმედ სუნთქავს. ისე ახლოს ვზივარ, მის გულის ძგერასაც ვგრძნობ. თვალმოუშორებლად მივჩერებივარ. რა ლამაზია. ახლა გავჯვრებულსა ჰგავს, სხვა დროს როგორი კარგი სანახავი იქნება. ლაპარაკისას ლოყებზე ფოსოები უჩნდება, ჩამოშლილ თმას წამდაუნუნ ისწორებს. ახლა ამას რო ვაკოცო, ნეტავ, რას იზამს? ვფიქრობ.

– როგორი თეთრი ხარ, ანანო, მზეს არ ენახვები? – ვეუბნები და მკლავზე ხელს ვკიდებ.

– თითი არ დამაკარო, თორემ ქვეყანას შეგიყრი, – გაჯვრებით მეუბნება.

– კარგი, დანყნარდი, რა ვქენი საყვირალი.

– ნავიდეთ, – თქვა ანანომ. წამოდგა, კალათს წამოავლო ხელი და ჭიშკრისაკენ გაემართა. სანამ ჭიშკართან მივიდოდა, წამოვწინე. მხრებზე მოვხვიე ორივე ხელი, შემოვბრუნე და მის აბურცულ მარწყვისფერ ტუჩებს ზედ დავაკვიდი.

ანანომ ერთი გაიბრძოლა, მაგრამ მკლავებში მოქცეული მალე გაყურდა. მომესმა, როგორ დაეცა კალათი ბალახზე.

ვკოცნიდი გაშმაგებით. ვეფერებოდი მის გაშლილ თმას, მკერდს. ცოტა ქვევით რომ ჩავაცურე ხელი, გეყოფაო, მკვახედ მითხრა და მუხლი მითავაზა.

სხვა რამეს მაინც არაფერს ვაპირებდი. ანანოს ერთი კოცნაც მილიონად მიღირდა.

ეზოდან გავიდა და მანქანაში ჩაჯდა. მეც უკან მივყვიე.

– კალათი გამოიტანე, – მომძახა.

შეებრუნდი, კალათი გამოვიტანე და გვერდით მივუდგი. მანქანაც ავამუშავე.

– რა კარგი კოცნა გკოდნია, ანანო – ვუთხარი სახით მისკენ შებრუნებულმა.

ანანომ დაიმორცხვა.

მთავარ გზაზე რომ გავედით, გამიჩერე, მითხრა.

– შენ ხომ ჭოპორტში ცხოვრობ, სახლამდე მივიყვან.

– არ მინდა, ავტობუსს გავყვები.

– რათ უნდა იწვლო, უცბათ მივალთ, ჭოპორტი აქვე არ არის?

– მაშინ, სადაც გეტყვი, იქ გამიჩერე.

– შენი ნებაა. კიდევ როდის გნახავ, ანანო?

– არც არასოდეს.

– რატომ, არ მოგეწონე?

– რო არ მომწონებოდი, აქამდეც არ გამოგყვებოდი, მომწონე და მორჩა, შენ შენთვის, ჩემთვის.

– პამიდორს აღარ ჩამოიტანე?

– ჩამოვიტანე, მაგრამ შენ არ მოგყიდი. გულიანად გამეცინა. სარკეში დავინახე, ანანო ილიმებოდა.

ჭოპორტის ხიდი გადავიარეთ თუ არა, აქ გამიჩერეო, მითხრა.

მანქანა გავაჩერე, ანანო გადმოვიდა. მეც გადმოვიედი.

– აქ დამთავრდება ჩვენი ნაცნობობა? – გულის წყვეტით ვკითხე.

ანანო ლამაზი მეტყველი თვლებით მომაჩერდა, კარგა ხანს მიყურა ისე, რომ ხმა არ ამოუღია.

– შაბათს ბაზრობაზე ვიქნები, – მითხრა ბოლოს, სწრაფად შებრუნდა და გზას დაადგა.

მიდიოდა ანანო, მიიწვინოდა აშოლტილი ტანით ასფალტიან გზაზე და უდარდელად მიაქანებდა ცარიელ კალათს.

გაუნრევლად ვიდექი, მივჩერებოდი, სანამ სულ არ მიეფარა თვალს.

კუკური ბუხრაშვილი

მოთხრობიდან კარგად ჩანს, ვინც ბრძანდება ეს ცოლშვილიანი ვაჟბატონი! რაკი განცალკავებით მდგარი აგარაკი ჰქონია, საკმაოდ შეძლებული ყოფილა და, ვინ იცის, იქნებ გავლენიანიც იყოს! ახლა ბებუის ანაბარად დატოვებულ ანანოს მოვუხმინოთ.

„– მამა არა მყავს. დედა საბერძნეთშია“.

გოგონას მოკლე პასუხში ერთი გაელვებით იხატება დღევანდელი გაძვალტყავებული საქართველოს ბედდამწვარი მოზარდის სავალალო ყოფა!

ჰოდა, სამი შვილის მამა – თუ ამასაც არ იტყუება! – ანანოსაც ისე მოექცევა, როგორც თავის მეოთხე შვილს ან, თუგინდ, უსასოო თანამომძეს, რათა ამგვარი სიდუხჭირის განცდა იქნებ ცოტათი მაინც შეუმსუბუქოს, ამ გონებაშეზღუდულ ხვადავს გოგონას დანახვისთანავე ბილნი იზრები ებადება და გამაშეშებული უტიფრობით აცხადებს კიდევ: რად მინდა პამიდორი, ჩემი სამყოფი მეც მომდის, თავში მაცდური აზრი მიტრიალებსო!

რა ჰქვია ყოველივე ამას და როგორი შეფასება ეძლევა მორალის ან სისხლის სამართლის კოდექსის ენით?!

მოკლედ, თავის მაცდურ აზრს აყოლილი, უკბილო ტყუილებით გოგონას ჯერ ხომ თავის გამოკეტილ აგარაკამდე აიტყუებს, მერე საიმედოდ შემომესრილ ეზოშიც შეიტყუებს, ბოლოს კი შემკრთლ-შეშინებული ანანოსადმი, აგერ, რანაირ სექსუალურ ძალადობას იჩენს!!!

„ვკოცნიდი გაშმაგებით. ვეფერებოდი მის გაშლილ თმას, მკერდს. ცოტა ქვევით რომ ჩავაცურე ხელი, გეყოფაო, მკვახედ მითხრა“.

ო, რა გარფომანულ-ცილისნამებულურად არის ჩაჩრილი აქ ეს უადგილო სიტყვა – „გეყოფაო!“ ავტორს ისე გამოჰყავს, თითქოს გააგულგრილებულ გოგონას მისთვის საქამრეს „ზევით“ ყველაფრის უფლება მიეცეს, საქამრეს ქვევით კი... რა ვქნა... კალამი აღარ შემორჩილება...

„ცოტა ქვევით რომ ჩავაცურე ხელი...“ – აზრჩაუტანებლად გვეტრამბახება გალაღებული სქემატური პერსონაჟი და ვერცა ხვდება, რანაირ შეურაცხყოფას აყენებს საერთოდ, მანდილოსნების ღირსებას, როყოფდ ნახმარი ერთადერთი სიტყვით – „ქვევით“ ქალი ყასბურად „ზედა“ და „ქვედა“ ნაწილებად რომ დაყოფა ამით მის საოცნებო სხეულზე მსოფლიო ლიტერატურის ისტორიაში, ალბათ, პირველმა გაავლო სადამარკაციო ხაზი!

რა გამოდის? პომიდვრის ყაბლი მუშტრის ქურქში გამოხვეული პერსონაჟის ჩანადენითა და მსჯელობით გულმიცემულ, დაუფიქრებელ მამაკაცებს, ცხადია, დღეის ამას იქით ნება ეძლევათ, თუგინდ პირველი დანახვისთანავე რომელი ქა-



ლიც კი თვალში მოუვით, ჩვენი „გმირის“ მსგავსად ევეკეთენ და წელს „ზევით“ მისრის-მოსრისონ... დაკოცნონ... დალოშნონ... ჩამოდრობონ... დაბუნონ!.. აი, საქამრეს „ქვევით“ კი ცოტა...

რაღა დასამალია, სასტიკ და საზიზღარ ეპოქაში გვიხდება ცხოვრება: სხვადასხვა მიზნითა და მიზეზით რაკი ქალი შედარებით ადვილად ხელმისაწვდომი გახადეს, ჩვენდა სამარცხინოდ, თვით ლიტერატურული დოლაბებიდანაც რაღაანაირ მნიველს არ ასხამენს!.. არადა, ქალი ერთი მთლიანი მშვენიერება და სასწაულია!!! ამიტომ მისი ბუნებრივი სურვილისა და თანხმობის გარეშე ღირსეზიანი მამაკაცი ასე პირუტყვულად არც „ზევით“ უნდა შეეხოს და არც „ქვევით!“..

თან დააკვირდით, უნალველა პერსონაჟი როგორ უტიფრულად გვამშვიდებს. „სხვა რამეს მაინც არ ვაპირებდი“.

მერე, რაც აქამდე ჩაიდინა, განა ეს კი მკაცრ ზნეობრივ-სამართლებრივ სასჯელს არ იმსახურებს?!.. ანდა, შუა გზაზე რაღას შეჩერდა, ბარემ... ჰმ! „სხვა რამესაც“ როგორ არ ჩაიდენდა, მაგრამ ამ გაგულადებულ ლაჩარს კარგად ეცოდინებოდა – „სხვა რამეს“ ჩადენაც რას მოიყოლებდა! ის კი თავის სახარბიელო მდგომარეობას რას განირაგდა! ჰმ, თქვენ მართლა შტერი ხომ არ გგონიათ – ერთი ამისთანა ჩვენნაირს ასს ერთად იყიდის და გაყიდის!!!

მოკლედ, თავის მაცდურ ჟინს მაჩვის სიფრთხილით აყოლილი ეს შეძლებული ქართველი ასე იმიტომ აქეთიქითობს, არც მწვადი დანვას, არც შამფური: ისე-

დაც გატანჯულ-გალიზიანებული საზოგადოების თვალში რაიმე საძრახისი წინდაუხედაობით არც თავის ვინაობას მოეცხოს ჩირქი და თან მშვენიერ გოგონასთან უხამსი ბლაძუნითაც ამღვრეული ქვევა გრძნობები დაიამოს!

მკითხველები სამართლიანად დამინუნებენ ლიტერატურულ გემოვნებას, თუ გაკვრით მაინც არ შევეხე ერთ პასაჟსაც. ყოველივე იმის შემდეგ, რაც მოხდა, ეს აგარაკიანი ვაჟბატონი აგერ, რას ეკითხება გოგონას:

– კიდევ როდის გნახავ, ანანო?

– არც არასოდეს.

– რატომ, არ მოგვენონე?

– რომ არ მომწონებოდი, აქამდე არ გამოგყვებოდი...“

ამ დრამატულ ვითარებაში გაშხლართულმა მხატვრულმა შეუსაბამობამ თავგადასხვითი მკითხველი შეიძლება ჭკუიდან შეშალოს! კი მაგრამ, რაც ამ თავშეყვარებულმა, განუსჯელმა კაცმა ჩაიდინა, გოგონას რა სინდისით ან რის იმედითა აძლევს ამ შტერულ შეკითხვას?! დაიცა და, ავტორის აზრით, რა უნდა იყოს ამ სავარაუდო შეხვედრის მოტივი, მიზანი, პროცესი, შედეგი?!.. მაგრამ აქ უარესი უბედურება ის არის, რომ ალაღებდა ავტორი ანანოს უფრო შეუხამებელ არსათქმელს ნამოატორტინებს – რომ არ მომწონებოდი, არც გამოგყვებოდი!!!

დედება შენდა, ღმერთო! ამთა შემთხვევაში რა შუაშია მონივნება ან დანუნება: ანანო უცხო მუშტარს ამ ნიშნით კი არ გაჰყვა, არამედ იმიტომ, რაკი

პომიდორი სულ უსალდებოდა და ხელი ეცლებოდა, შეპირებისამებრ, მერე იქიდან ცარიელი კალათა ისევ უკან წამოელო და ბარემ თან თავის სახლამდეც გამოჰყოლოდა! ეს იყო და ეს!!! ხოლო აქ თუ გარეგნული მხარე კი არა, შინაგანი ღირსება უნდა ვიგულისხმოთ, მაშინ მით უარესი: რა ურთიერთმონონებაზეა ლაპარაკი შეიძლება, როცა უცნობმა მამაკაცმა თავის გამოკეტილ აგარაკზე მზაკვრულად ატყუებული ქალიშვილი-სადმი მოულოდნელად სექსუალურ ძალადობას მიმართა, ანანომ კი – მტრის ზურგში გადასროლილი, ხელჩართული შეტაკებებისთვის გამოწვრთნილი საბჭოთა მშვერავით! – სამი შვილის მამას... მუხლი ამოარტყა!

ჰოდა, კიდევ რაღა სურს ავტორს: მეორე შეხვედრისას ანანოს იქნებ ახლა ისეთი სამბისტური ილეთი გააკეთებინოს, ეს სოლიდური კაცი სულ მარტივ მამრავლებად დააშლევინოს!..

იმედგაცრუებისაგან მოდუნებულს, აქ თავის უნებლიეთ გახსენებს ლევ ტოლსტოის უკედავი ფრაზა: მხატვრულ ლიტერატურაში ყველაფერს გამოგონება შეიძლება, გარდა ადამიანის ფსიქიკისა, ვინაიდან იგი დიდი ხანია გამოგონილია!

ეს პასაჟი კი იმდენად გონებაშიღმურია, ადამიანის ფსიქიკის ვერანაირ ჩაროში ვერ თავსდება, ვინაიდან ამკარა – ავტორი ამ ტექსტს ქმნიდა არა მხატვრული ლიტერატურის კანონებისა და მკაცრი მოთხოვნებიდან გათვალისწინებით, არამედ მხოლოდ თავისებურად წარმოდგენილი საკუთარი სიამოვნებისთვის!

ეს მეტად სამწუხაროა, მაგრამ რას იზამ – მსგავსი მაგალითები ლიტერატურის ისტორიას თავსაყრელად მოეპოვება! ***

ამ ამაზრუნე პერსონაჟისთვის ადგილზევე დახვერტის განაჩენის გამოტანა კი მისივე ერთადერთმა სიტყვამ მაიძულა. მოუსმინეთ!

– რა კარგი კოცნა გცოდნია, ანანო.“ ჩვენი „გმირი“ ამგვარ სასჯელს იქნებ გადარჩენოდა კიდევ, აქ „გცოდნია“-ს ნაცვლად ამ შემთხვევაში უფრო ბუნებრივი „გქონია“ მაინც რომ ეხმარა!.. კი მაგრამ, ამ ანგელოზებრივ გოგონას ჯერ საიდან უნდა სცოდნოდა „კარგი კოცნა?“ თუმც ამას რაღა კითხვა უნდა, როცა თავისი ყოფა-მდგომარეობით გალაღებულმა „გმირმა“ ამ ერთადერთი დაუფიქრებელი სიტყვით ნახევარი საქართველო წუმპეში ამოავლო: საარსებო გრომებისთვის მშობლები უცხოეთში დანონიალობენ, აქ დარჩენილი მათი გოგონები კი დღედაღამ კოცნაობაში ვარჯიშობენ, რათა შემდეგ შემთხვევით გამომტყვრალი ყოველი მოძალადე თავიანთი ხელოვნებით დაატკბონ!.. ოოო!.. მოდი და... კეთილი, დაგუშვით და ანანოს მართლაც „კარგი კოცნა“ სცოდნოდა, ნაიძულე ვითარებაში ამ ლაჩარი მოძალადისთვის განა კოცნითვე უნდა ეპასუხა?!

ეს მხოლოდ პროვინციული ჯონდუნის... უკაცრავად, დონჟუანის თავშესაქცევი ზმანება-წარმოდგენაა! ამგვარ ძალნატვან კოცნაზე ანანოსაც თავდამავნიყებელი კოცნით ეპასუხა კი არა, როგორმე უნდა გაშვებინებოდა და ერთი ისეთი გაელანუნებინა, ხმა სვეტიცხოვლის კედლებს მისწვდებოდა!!!

ბოცო ჭაყალი და უფლისწულ დემნას ზრდილი (ჭაყალთა 1000 წელი)

დასასწავისი გვ.2

თარი და დაირა მიეცით მოცეკვავეთ! – იმეორებდა მარიამი.

– ბოცოზე 5 წლით უფროსია მომავალი მეფე.

– მართლა, მამა, ჩემზე უფროსია?!

– დიახ, შვილო!

– ჭიდაობაში მაინც ვერ მომერევა, – იხტიბარს არ იტყვდა ბოცო და მამის წინაშე კუნთებს ჭიბავდა.

– ბაგრატიონია, ჩვენი დიდი მეფის – დავით აღმაშენებლის შვილიშვილი. მუდამ გვერდში უნდა დაუდგე! თუ დაგიძმაკაცებს, დაუძმაკაცი, მაგრამ, ბაგრატიონებს ვინ დაუძმაკაცდება? ეეეჰ.

ეს ეეეჰ, თითქმის ჩურჩულთით თქვა მემნამ, შვილიც დააბნია და ცოტა არ იყოს, თვითონაც დაიბნა, როდესაც საყვირის ხმა გაისმა და ეზოში ოციოდ ცხენოსანი შემოიჭრა.

– აი, ესაა უფლისწული დემნა, შვილო!

– დაიძახა მემნამ და შვილთან ერთად თეთრცხენიან, ათიოდ წლის, საპატიო სტუმარს მიეგება, რომელიც ლურჯი ფერის მოსასხამი და ბაგრატიონთა არწივის გამოსახულების მქონე, იასამნისფერი ქუდი ამკობდა.

– ყოველთვის ემასხოვრება ბოცოს ამ შეხვედრაზე მამის სიტყვები: – „ბაგრატიონია, ჩვენი დიდი მეფის – დავით აღმაშენებლის შვილიშვილი, მუდამ გვერდში უნდა დაუდგე! თუ დაგიძმაკაცებს, უნდა დაუძმაკაცდე!“ – სულში რომ ჩაუსახლდა პატარა ბავშვს. შემდგომ თამარიც გაიცინა, მაგრამ იგი სულ სხვაა, ანგელოზია, არამინიერი არსებაა, მაგრამ დემეტრე, მოფერებით დემნა უფლისწული, ეს ისაა, ვისაც „გვერდში უნდა დაუდგე...“.

ქეიფმა „ბრწყინვალედ“ ჩაიარა, სუფრა თითქმის ხელუხლებელი დარჩა. ან კი რა უნდა ექამა ან დაელა 10 წლის უფლისწულს და მის კბილა მხედრებს? აქაც პატარა საღირ მახატლისძემ გამოიჩინა თავი და „აკრძალული“ ღვინო შესვა.

– დათვრები, კახთ ბატონო! – ანიშნა მარიამ სამძივარმა.

– მამაჩემი დიდი ხანია მასმევს, მარიამ დედოფალო! – ჩაეცინა საღირას

და ახლად ამოლინლილებულ უღვაშის მსგავს ბუსუსობზე ხელი რომ გადაისვა, თავად ბოცომაც გადაიხარხარა და მთელმა სუფრამ მიაპყრო მზერა.

თავად დემნა უფლისწული მოხდენილად და სერიოზულად იჯდა. მშვენიერი ბავშვი იყო. თაფლისფერი თვალებით, თითქოსდა უდიდოდ, შესცქეროდა მემნასა და მარიამს, შემდეგ თვალი ბოცოზეც გადაიტანა...

– რამდენი წლის ხარ? – ჰკითხა უეცრად დემნამ.

– შვიდის! – იცრუა თავის ასაკთან შედარებით უმცროსმა სამცხელმა, რისთვისაც მამამ მუშტი მოუღერა:

– ჯერ ხუთისაა, უფლისწულო, მაგრამ სწრაფად წამოიზარდა, ჭიდაობაში უკვე უფროსი ბიჭები ჰყავს დამარცხებული, კალოსუბანში ათი წლის ბიჭებიც დასცა, ბეჭებზე.

– მართლა, ბიჭო? – მოუტრიალდა დემნა ბოცოს. ბოცო სიამაყისაგან ცახცახებდა.

– გინდა დამეჭიდო? – ჰკითხა დემნამ.

– მინდა! – ვიდრე მამამისი რამეს იტყოდა, დაასწრო ბოცომ.

– აი, მოდი! – თქვა დემნამ და ფეხზე წამოხტა.

– ვაიმე, უფლისწულთან დაჭიდება ხომ ეკრძალებოდა ერისთავის ვაჟს?

– არა უშავს, იყვარა ბოცომ და დემნასკენ გაიხანა, რომელიც სამეფო ახალუხის გახდას შეუდგა, შესარკინებლად რომ მომზადებულიყო.

– მოდი, ბოცო, მოდი! – მარდად გამოინვია მოჭიდავე უფლისწულმა.

– ჭიდაობას რა უნდა... – დაამლერა ერთ-ერთმა მომღერალმა და მემუსიკენიც აჰყვენენ. ბოცო დაიძახრა და ბაგრატიონს შეება.

დემნა ძლიერი იყო. ჭიდაობაც საკმაოდ კარგად ჰქონდა შესწავლილი. თუ ბოცო ჭიდაობას მამისაგან და მოსამსახურებისაგან სწავლობდა, დემნას, როგორც ჩანს, თბილისელ მოჭიდავეთა ამქარი და ამ ამქრის თავი ხარფუხელი თომა ასწავლიდა, თანაც, დემნა გაცილებით მაღალი იყო, ბოცო კი, უფრო დაბალი და ჯმუხი. ისე, ორივე თაფლისფერთვალემა ბიჭები იყვნენ. ბოცოს გადაბმული მესხური ნარბები ჰქონდა, დემნას კი

საოცრად დიდი თვალების გამო აქებდნენ. „ის წმინდა დავითის შთამომავალია – ერუშალაიმის მეფის თვალწარბი აქვს!“ – ამბობდნენ მასზე გოგონები, რომლებიც უფლისწულზე შეყვარებულნი იყვნენ.

– „თამირი უნაკლო!“ – ასეთი ფრაზაც გაუგია ბოცოს მანამდეც.

– „კი, მაგრამ, თამარს უფრო კავკასიური ნაკვთები აქვს, ხოლო დემნა ბატონიშვილი, ნაღდი ბაგრატიონია, დიდი მეფის – დავით მეოთხის განმეორებაა!“

– ხშირად იძახოდნენ ცნობისმოყვარე ჭორიკნები.

ფალაგნები ერთმანეთის პირისპირ დადგნენ... დემნამ გაუღიმა ბოცოს, ხელი მარჯვედ შემოაჭდო წელზე, თითქოს მის თვალში პატარა ჩანდა და მაღლა ატაცებდა მოუწონოდა, მაგრამ, უეცრად იგძნო, რომ ბოცოს მისი ილეთების ჩამკეტი ხერხების გამოყენებაც შეეძლო. თუმცა, ვერაფერი გაანყო, რადგანაც ბოცომ მოახერხა, მუხლებზე ნაველო ხელი და... – ამ დროს მოჭიდავე მაღლა რომ ასწია, თავად მოადენ ზღართანს, – გაახსენდა დემნას ხარფუხელი თომას სიტყვები და ბოცოს უშალ უშვა ხელი: – „ნეტა რა ვიღონო?“ – ჩაიბურტყუნა თავისთვის.

– მიდი, მიდი! – დასძახა ვილაცამ და გაახსენდა ბოცოს, – მაღალ მეტოქეს სჯობს წელში შეუვარდე და ისე დაანარცხო. ამ ილეთით ხომ მამასაც ამარცხებდა. ჰოდა, იმარჯვა ბოცომ, მუხლებში ეტაკა ბატონიშვილს, რომელიც დამცინავად დაჰყურებდა ბოცოს და სიცილით კვდებოდა.

– ნაგაქცევს, ბატონიშვილო, გონს მოეგე! – შეჰყვირა ეხლა ვილაცამ დემნას ამალიდან და დემნაც ქერში წვდა ბოცოს, ისე, როგორც ციხესიმაგრეს უტევენ სპეციალური სპილენძის ტუჩიანი ვერძები. ბოცოც დემნას საყრდენს უნგრევდა. დემნა ჯერ უკან გადაქანდა, ხოლო შემდეგ, ისევ წინ გადმოიხარა და ნაქცევას ამჯობინა სამცხელს თავზე დასცემოდა, რაც განახორციელა კიდევ. დემნა, როგორც მაღალი კოშკი, „ბოცო ვერძზე“ თავზე დაემხო. ამაღის წვერები ახორხოცდნენ. მემნა ჯაყელი უფლისწულთან მიიჭრა და პირველი ის წამოაყენა.

– გმადლობთ, ერისთავთერისთავო, ძალიან ძლიერ შვილს უზრდით ჩვენს სამეფოს! – ზრდილობიანად თქვა დემნა უფლისწულმა.

– უღრმეს მადლობას და ბოდიშს გიხდით, უფლისწულო. ბოცო თქვენს ამაღაში გვინდა ჩავრიცხოთ, ის მუდამ თქვენთან იქნება და თქვენი გულისთვის თავსაც განირავს, უყოყმანოდ! – გახარებულმა თქვა მემნამ, რომელიც მარცხენა ხელით ბოცოს წამოყენებაც ცდილობდა, ამ დროს კი, მუშტებმოკუმული ბოცო იმას ფიქრობდა, როგორ დაეცა ძირს დემნა უფლისწული.

– აი, ნახეთ, კიდევ სურს წელში შემომივარდეს! – გაეცინა დემნას.

– კი, ეგრეა, ამ ეზოდან ნაუქცევებს არავის უშვებს! უხაროდა მემნა ჯაყელს და ბოცოს ზურგს უკან აკავებდა, თუმცა, ეს უკანსაკნელი, მამასაც უტევედა და დემნასკენ ინევედა.

– როგორ ანითლებულხარ, რა მოგივიდა, ნუთუ ასეთები იყვნენ შენი წინაპრები? – ნასჩურჩულა შვილს მემნამ და უფლისწულს მადლიერების თვალთა გადახედა.

– კარგით, ჩავრიცხოთ ბოცო ჩემს ამაღაში, დიდი მადლობა სტუმართ-მასპიძლობისთვის, ეხლა კი უნდა დაგტოვოთ, ბიძა მელოდება, დღეს თამართან ერთად უნდა ვიჯირითო აგარანის ველზე! – თქვა დემნა ბატონიშვილმა, ოჯახს გამოემშვიდობა,

მერე მარდად ცხენებს მოახტნენ და ჯაყელთა სასახლის ეზოს იქით გაუჩინარდნენ.

ბოცო კი დარჩა დაბოლმილი, პირველად გაექცა მეტოქე ეზოდან ნაუქცეველი. სად ეძებოს ეხლა ეს ბიჭი, რომელსაც „უფლისწული“ ჰქვია? იქნებ კალოუზნიდან დაბლა ჩავიდეს და მეტეხის სასახლეში გამოელაპარაკოს დაცვას – უფლისწულთან ჭიდაობის უფლება რომ მისცენ.

– „შენი თავი კიდევ ერთხელ მომცა და... თუ მინაზე არ გაგართხა“... წამოაბოდებს იმ ღამეს სიზმარში, მამასა და დედას შორის მწოლიარე ბოცოს.

თენდებოდა 1165 წლის დილა...

გაგრძელება იქნება

პროზაიკოსი, სცენარისტი ანა კოზლოვა დაიბადა 1981 წელს მოსკოვში. 2003 წელს წარჩინებით დაამთავრა მიხეილ ლომონოსოვის სახელობის

მოსკოვის სახელმწიფო უნივერსიტეტის ჟურნალისტიკის ფაკულტეტი. მიღებული აქვს პრემია „ნაციონალური ბესტსელერი“ (2017).

სამწიფო მოთხრობა

მხედრო სდგურზე

ანა კოზლოვა

1. — ვანია, პულტი სად არის? — ლევადა ნადეჟდა იაკოვლევანა.

— დივანზეა! — თქვა ივან ნიკოლაევიჩმა.
— სადაცაა დაიწყება! — ნადეჟდა იაკოვლევანამ გადასაადგილებელი ყავარჯენი ააჭრიალა.

— ვნახოთ, დივანზე ვინ უფრო სწრაფად მივა! — ჩაიხიხითა ივან ნიკოლაევიჩმა.
ლიდა წინკარიდან იყურებოდა. მოხუცებმა ტელევიზორი ჩართეს, ჩამოსხდნენ და სერიალის „ზამთარი ხარბინი“ ყურებამდე სული მოითქვეს.

— ნადეჟდა იმ რესტორანში წავიდა სადაც ელენე მღეროდა, — ჰყვებოდა ნადეჟდა იაკოვლევანა და დაძაბულობისგან გაფითრებული თითებით ყავარჯენს ებლაუჭებოდა.

— მოიცადე! — ნერვიულობდა ინვალიდის სავარძელში მჯდარი ივან ნიკოლაევიჩი. — რესტორანში როგორ წავიდა? კაბა გამოისყიდა?

— არ მითქვამს? — ნადეჟდა იაკოვლევანამ მხიარულად გაიცინა. — ივანმა რუსულ რულეტკაში მოიგო და ნადეჟდას კაბა გამოისყიდა!

ლიდა დარბაზისკენ ზურგით იდგა და ფანჯარაში იყურებოდა. ბინდებოდა. ხმელნიკში, მოხუცებულთა სახლის ეზოში, თოვლი სქელ ქერქად გაიყინა, ისე როგორც მრუდედ გამოცხვარ ტორტზე შემხმარი კრემი. კრემი ფარავდა გაობრუნულ, დაკბილულ ბილიკებს, დანაოჭებულ შავქერქიან ხეებსა და სამსაფეხურიან წინკარს.

— ელენა კი მშვენიერია! — თქვა ივან ნიკოლაევიჩმა.

ნადეჟდა იაკოვლევანას გამოპასუხება არ უნდოდა, მაგრამ როგორც ჩანს რემარკამ თავმოყვარეობა შეუღალა, რადგან რამდენიმე წაშლი თქვა:

— ელენა უხამსი დედაკაცია. თავის ხარბ მისწრაფებებშიც კი მოსახყენი.

ივან ნიკოლაევიჩმა ამაზე ვერაფერი უპასუხა და თითქოს გამჭოლმა ქარმა უცებ ბეჭებში დაჰკრაო ლიდა შეკრთა.

წინკარის ფარნიდან ჩრდილი ჩამოცოცდა, ჩრდილს კი ანტიპინი მოჰყვა. ლიდას გული ყელში მიუბჯინა. ანტიპინმა წინკარიდან ეზოსკენ რამდენიმე გაუბედავი ნაბიჯი გადადგა და შედგა. მერე ტყაპუჭის ჯიბიდან სიგარეტი ამოიღო, მოსწია.

ლიდამ არ იცოდა რა ხარბი მისწრაფებები ჰქონდა მისთვის იდუმალ და არასაინტერესო ელენეს სერიალიდან, მაგრამ თავისი მისწრაფებების შესახებ ყველაფერი მშვენივრად იცოდა.

ლიდა ხმელნიკში ბიისკიდან ჩამოვიდა. ის დედასა და მამინაცვალს გამოეცა, რომლებიც ყოველდღე ეკითხებოდნენ — „შეჭამე?“ ლიდამ თავი დააღწია მედასანაწევლების შავბნელ საშინელებებს, იმ ცხოვრებას, რომელიც კი არ მიედინებოდა, არამედ მიიხზავდა. ხმელნიკის მოხუცთა სახლი მისთვის მხსნელად იქცა, რომელიც წარსულს დაავინებდა და სიყვარულს აზიარებდა.

ანტიპინმა ნაშენი თოვლში მოისროლა. ლიდა მოხუცებისკენ ღიმილით შებრუნდა.

— საკვირველია! — თქვა ივან ნიკოლაევიჩმა, — ორმოცდაათიანი წლების ბოლოს მეც ხარბინში ვიყავი.

ნადეჟდა იაკოვლევანა მისკენ შეტრიალდა.

— ეს შეუძლებელია, — თქვა მან, — წარმოუდგენელია! ხარბინში ორმოცდაცხრამეტ წელს ჩავიდი.

ლიდამ ჯიბიდან სარკე ამოიღო და სახე შეითვალიერა.

— იმ დღეს ძალიან მშოიდა, — თქვა ნადეჟდა იაკოვლევანამ, — ფუნთუშის ყიდვა მინდოდა, მაგრამ სადგურზე მხოლოდ თეთრი ცომის პარკები იყიდებოდა...

— მოხალული ბრინჯი! — დააბოლოვა ივან ნიკოლაევიჩმა.

2.

როდესაც კაცი მხრებსა და კისერს შორის პატარა ფოსოს უკოცნის ქალს გული უთრთის, მხრები უცახცახებს და ზურგზე დაფენილი თხელი თმა ყალყზე უდგება. ისინი პერსონალის დასასვენებელ ოთახში, შტამპიანი თეთრეულით განყოფილ ტახტზე იხუნენ. ყველაფერი მოთავდა, მაგრამ ლიდას გაჩერება არ შეეძლო, ის კაცს მხარზე ხელს უსვამდა და ენის წვერით ნიკაპზე ჯაგარივით წვერს ეხებოდა.

— ეს ყველაფერი მალე მოგებრდება? — ანტიპინმა კი არ ჰკითხა, არამედ თითქოს ამ საკითხზე სასაუბროდ გამოიწვია.

ლიდას ადრე ასეთ სიტყვებზე მაშინვე ეტირებოდა, ახლა კი მის მკერდზე უდევს თავი, უბრალოდ დუმს და კაცის თანაბარ გულის ცე-



ილუსტრაცია სოფიო ქელიძის

მას აყურადებს. როგორ შეუძლია თავს არ იფასებდეს? ჰკვირავს, გამჭრიახი, ასეთი ნიჭიერი. ფსიქიატრიაზე დაწერილ მის სტატიებს ხომ მოსკოვური ჟურნალები აქვეყნებდნენ... და კიდევაც გამოაქვეყნებენ! ის კი ალარაფერს წერს და როდესაც ქალი მორიდებით ინტერესდება, თუ რატომ — კაცი დვარძლიანად პასუხობს: იმიტომ რომ ბოლო ათი წელია ჩემი სპეციალიზაცია მოხუცებულობის დემენციაა. და თითქოს ამაზე ვერ შეეპასუხები — ვისთვისაა საინტერესო მოხუცებულობის დემენცია?... ის უნდა ნააქვო, უსასრულო სიყვარულით საკუთარი თავის რწმენა დაუბრუნო. და მაშინ... მაშინ, ილიმბა ლიდა, წერილებიც იქნება და სამეცნიერო წრეებში აღიარებაც, შესაძლოა, ცოლადაც შეერთოს.

3. ვახშამზე თევზის სალათი, მაკარონიანი ქათამი და თითო შოკოლადის კანფეტი მოჰქონდათ. ნადეჟდა იაკოვლევანა ივან ნიკოლაევიჩთან ერთად კუთხეში იჯდა და გადასაადგილებელ ყავარჯენს ფისო „ლაპოკა“ მსუქანი ფერდებით ეხახუნებოდა.

— სუნგარის პროსპექტზე ბინა მქონდა, — ყვებოდა ივან ნიკოლაევიჩი, — იქ სადაც რესტორანია, რომელშიც ივანმა ტყვია დაიხალა...

— ოჰ, მახსოვს! — თქვა ნადეჟდა იაკოვლევანამ. — იქ კიდევ მოქალაქე მინის თხილი ეკიდა...

— კი, ეკიდა! — დადასტურა ივან ნიკოლაევიჩმა. — რა საოცარია, ერთსა და იმავე დროს ვიყავით ერთსა და იმავე ქალაქში და ერთსა და იმავე რესტორანში დავდიოდით!

— განსაცვიფრებელია! — დაეთანხმა ნადეჟდა იაკოვლევანა. — ალარაფერი მახსოვდა: არც მინის თხილი, არც რესტორანი, არც სუნგარის პროსპექტი და უცებ, ტელევიზორმა ყველაფერი გამახსენა...

— მართალია! — დაუდასტურა ივან ნიკოლაევიჩმა. — უცნაური შეგრძნებაა, მხოლოდ სიკვდილის წინ გამახსენდა...

— ასე ნუ ლაპარაკობთ! — შეანწყვეტინა ნადეჟდა იაკოვლევანამ.

— ვილაპარაკებ, არ ვილაპარაკებ, რა მნიშვნელობა აქვს? მარადიულად მაინც ვერ ვიცოცხლებო, — გაჯიუტდა ივან ნიკოლაევიჩი.

მაგიდას მსუქანმა დედაკაცმა — სანიტარმა

ვესევამ ჩაუარა, სიკეთეს რატომღაც მოჩვენებითი უხეშობით რომ ფარავდა.

— გეყოფათ ყბედობა, ჩახეთქეთ! — ჩაილაპარაკა ვესევამ. — ესენი ლაპობენ, მე კი შინ შვილები მელოდებია!

— მომეცით თქვენი კანფეტი, — ჩურჩულით თქვა ნადეჟდა იაკოვლევანამ. — კარადაში კიდევ მაქვს, ამათაც დავამატებ და შობას ერთად შევზვდეთ.

ივან ნიკოლაევიჩმა თავი დაუქინა და გამონვივდილ ხელსახოცზე კანფეტი თავაზიანად დაღო.

4. ლიდამ თქვა:

— იცი, მიყვარხარ.

მან კი შეხედა და უპასუხა:

— კარგია.

და მორჩა. კაცს მეტი ალარაფერი უთქვამს. ქალმა ყველაფერი გააფუჭა. ისინი ისხდნენ და ამოთხრილ ორმოგებზე საუბრობდნენ, სადაც ჩინელები თევზ ტლანაბის აშენებდნენ.

— ჰო კარგია, თუკი შენ ეს სიამოვნებას განიჭებ, — ხანმოკლე დუმილის შემდეგ თქვა ანტიპინმა.

— შენ, არ განიჭებ? — ჩუმად იკითხა ლიდამ და სუნთქვა გაუშვირდა.

— მისიწინე, — კაცმა ხელი ჩავლო, — მეც მიყვარხარ. უბრალოდ, არ მინდა, ჩვენს ამ ურთიერთობას რაღაც განსაკუთრებული რომ დაუკავშირო.

ლიდა დუმდა. ანტიპინი ლევადა.

— რაღაც უაზრო, არაადეკვატური მოლოდინები, იმედები, რომ არახან გიყვარს, ცხოვრება შეიცვლება... — ანტიპინმა მოლოდინი სახით ჩაიხიხითა, — ხმელნიკი, საძაგელი ბუნავი, თვალისმოჭყრელი ნათებით აკაშკაშდება და მოხუცები აღიარებულად ჩაისვრიან.

ლიდა ცრემლს ძლივს იკავებდა.

— არაფერი შეიცვლება, საყვარელო, — თქვა ანტიპინმა. — სიყვარული ადამიანს არ ცვლის. უნიჭო შეყვარებული ტლანტად, გონჯი კი მზეთუნახავად ვერ გადაიქცევა. სიყვარულით მხოლოდ დროს ვკვავთ.

— დროს ვკვავთ? — ჩურჩულით ლიდა.

ანტიპინმა თმაზე ხელი გადაუსვა.

— რისი ატანაც ადამიანს უნევს, ცხოვრება ყველაზე გრძელი და მოსახებურებელი რამაა.

5. კარადაზე ბლუჯად ელაგა ვახშამობისა შეგროვებული კანფეტები: ოთხი ცალი შოკოლადი „ასორტიდან“, ორი „ბატის თათი“, ორი „დათუნია“ და კონახურები, რომლებსაც სათვალავშიც კი არ აგდებდნენ. ფანჯარაში გამოჩენილ ცის შავ ნაგლეჯზე ვარსკვლავები ღილებივით ჩაბნეულიყვნენ. ნადეჟდა ივანოვნა საწოლზე ჩამომჯდარიყო და ჩურჩულით ყვებოდა:

— იცით, რა არის ყველაზე საშინელი? არშემდგარი სიყვარული. რაც ჩაფიქრებული, დაწერილი იყო, მაგრამ არ ასრულდა.

— თქვენ ასეთი სიყვარული გამოგიცდიათ? — ჩუმად იკითხა ივან ნიკოლაევიჩმა.

— დიახ, — ნადეჟდა იაკოვლევანამ თავი დაუქინა. — ხარბინში, სადგურზე, როდესაც მივემგზავრებოდი. ყველაფერი დღევანდელივით მახსოვს: ბაქანზე ვდგავარ, ირგვლივ ჭჭყყია, სიგარეტის ნაშენი, ჩინელები ყაყანებენ, ურიკებს მიათრევენ. ჩემოდანს ჩავაფრინდი, შემეშინდა არ გაეტაცათ. და უცებ, ბრბოს ოფიცერი გამოეყო და ჩემკენ წამოვიდა. ჩინელებთან შედარებით ძალიან მაღალი, ცისფერთვალა... — ნადეჟდა იაკოვლევანა დადუმდა.

— მერე რა მოხდა? — ივან ნიკოლაევიჩმა დედაბერი ააჩქარა.

— არც არაფერი! — ამოიხრა ნადეჟდა იაკოვლევანამ. — ერთმანეთს დიდხანს შევეცქეროდით. თვალის პირველმა ავარიდეს, ეს ხომ უწესობაა... მამაკაცს ასე რომ უყურებ... მერე ვაგონში ავედი და ფანჯარასთან ჩამოვეჯექი... ვფიქრობდი, იქნებ მატარებელში ამოვიდეს, იქნებ ჩემს ვაგონში... მაგრამ არ ამოსულა.

ნადეჟდა იაკოვლევანა უცებ ატირდა.

— ეს სისულელეა, ნამდვილი სისულელე! — ჩურჩულივით და გაუხეშებული, ათრიტიანი თითებით ცრემლს იწმენდა. — ოფიცერი ხარბინის სადგურში! ალბათ, ფიქრობთ, რომ ჭკუიდან შევიშალე... მე კი მხოლოდ ამ მამაკაცში დავინახე ერთად ცხოვრების წადილი. რისი მეშინოდა?... ვისი მრცხენოდა? გამეღიმა მაინც...

ივან ნიკოლაევიჩი ინვალიდის ეტლში ნერვულად შეირხა.

— ცუდად ხართ? — იკითხა ნადეჟდა იაკოვლევანამ.

— სადგურზე თქვენ იყავით? — თქვა ივან ნიკოლაევიჩმა, — თქვენ თეთრსაყელიანი მწვანე პალტო გცვავთ... და შავი ბატინკები. ხელთათმანები არ გცვავთ. მახსოვს თქვენი ხელები, ისეთი პატარები, დაუცველები. მაშინვე ხელებზე შემოგხედეთ, ბეჭედი ხომ არ უკეთია მეთქი.

6. მ იანერის დილას ლიდა ნადეჟდა იაკოვლევანას პალატაში შევიდა და საწოლთან შედგა.

ისინი ქალის საწოლში შიშვლები იხუნენ, მიცვალებულები, გაშვებულები! — ლიდა მერე ვესევას უყვებოდა. მისი ხელი მას ჰქონდა... თვითონაც გესმის სადაც.

— ასეთ ასაკში არც სირცხვილი, არც სინდისი! — დაასკვნა ვესევამ.

ლიდა ანტიპინთან გაიქცა, პალატაში მიიყვანა და მის უკან დადგა. კაცს სიკვდილი უნდა დაედასტურებინა, ისედაც აშკარა რომ გამხდარიყო. სიყვარულმა დაარეხილ სხეულებს თავისი დამლა დასვა და როგორღაც ყველას უფლებას აძლევდა ერწმუნათ ან არ ერწმუნათ მისი არსებობის.

— მათ რომანი ჰქონდათ? — ხითხითით იკითხა ანტიპინმა.

— თითქოს ადრე ხვდებოდნენ, — უპასუხა ლიდამ. — ხარბინში გაიცნეს ერთმანეთი, ორმოცდაათიანი წლებში.

— ხარბინში? — გაოცდა ანტიპინი.

ლიდამ მხრები აიჩქა:

— ისინი ასე ამბობდნენ.

— ქალი მთელი ცხოვრება საბავშვო ბაღში აღმზრდელად მუშაობდა, საზღვარგარეთის პასპორტიც კი არ ჰქონია. კაცი კი მეტალურგიული ქარხნების დაპროექტების ინსტიტუტში მექანიკოსად მსახურობდა. ორმოცი წლისა მანარმოო ტრამვა მიიღო და სავარძელს მიეჯახა. ლიდა, ისინი ხარბინში არასოდეს ყოფილან. არასოდეს.

ლიდა ოთახისკენ ზურგით იდგა და ფანჯარაში იყურებოდა.

— ისინი მარაზში იყვნენ. შენ ეს მშვენივრად იცი... მარაზში ცხოვრება ადვილია და სიყვარულიც, — მან კვლავ ჩაიხიხითა.

ანტიპინმა მოხუცებს ბოლოჯერ შეხედა და პალატიდან გასვლა დააპირა, მაგრამ შემოტრიალდა და თქვა:

— გადააფარე.

რუსულიდან თარგმნა
აკაკი დაუშვილა

გეოგრაფიული პარამეტრების სივრცითი

თბილისი. 1961 წელი... რესპუბლიკურ ოლიმპიადებზე საქართველოს რაიონების მხატვრულ თვითმოქმედ კოლექტივებთან ერთად გამოდიოდა ახალციხის გუნდიც, ხელოვნების დამსახურებული მოღვაწის ქეთევან ლოლობერიძის ხელმძღვანელობით. ახალციხელებმა შესანიშნავად შეასრულეს მესხი პოეტის ელენე დიდიმამიშვილის ლექსზე დაწერილი „სიმღერა ახალციხეზე“, ხოლო, როდესაც სახუმარო დუეტი „ყვარყვარე და ბარბარეც“ „მიაყოლეს“, მაყურებლები აღტაცებას ვერ მალავდნენ: „ყოჩაღ, ახალციხელებო, ძალიან კარგია!“ – ამბობდნენ ისინი.

ვინ იყვნენ სოლისტები? – ლუიზა კუპრაძე და მიხეილ პოვოზიანი. ახალციხელები პირველი ხარისხის დიპლომით დაჯილდოვდნენ.

მიხეილ პოვოზიანი პროფესიით მედიკოსი გახლდათ. იგი, წლების მანძილზე, რაიონის ჯანდაცვის სისტემაში მუშაობდა, ბოლოს სადენზინფექციო სამსახურის უფროსი იყო. მიღებული ჰქონდა მრავალი ჯილდო, მაგრამ მისი, ასე ვთქვათ, სტიქია მაინც სიმღერა იყო.

მაგონდება 1977 წელი. ახალციხის რაიონის სიმღერისა და ცეკვის 150-კაციანი ანსამბლი გაემგზავრეთ მოსკოვში, სრულიად საქართველო სასოფლო-სამეურნეო გამოფენაზე მონაწილეობის მისაღებად. მიუხედავად იმისა, რომ მიშა მძიმედ იყო ავად და შეეძლო გათავისუფლებულიყო შორეული მგზავრობისაგან, მაინც წამოვიდა. მოსკოვში, სასტუმრო „ზოლოტოი კოლოსი“ დაგვინახდნენ. პოვოზიანის მდგომარეობა თანდათან უარესდებოდა. სასტუმროს ექიმს მივაკითხეთ, რომელმაც მოითხოვა მისი საავადმყოფოში დაუყოვნებლივ გადაყვანა და ოპერაციის გაკეთება. მიშა აწრიალდა, – ხვალ რომ გამოვიდევართ? ბოლოს დათანხმდა, მაგრამ პირობა მაინც არ შეასრულა და მხოლოდ მაშინ, როდესაც ანსამბლი წარმატებით გამოვიდა და პოვოზიანმა „გამწარებულზე“ იმღერა თავისი პარტია, დანვა და გაიკეთა ოპერაცია.

მიხეილ პოვოზიანი მოგვიანებით ჩამოფრინდა მოსკოვი-

დან. რა თქმა უნდა, მოვიხახულე და წავუსაყვედურე კიდევ: – რატომ გაჯიუტდი, რატომ იტანჯავდი ზედმეტად თავს. არ გერჩივდა დარჩენილიყო ახალციხეში, მოსკოვში კი სხვა წამოსულიყო, დუბლიორი ხომ გყავდა-მეთი.

მან კი დაუნუნებლად მიიხრა: – რა მექნა, მთელი წელი ვემზადებოდი და არ მინდოდა მეგობრებს ჩამოვრჩენილიყავო.

ოპერაციამ წარმატებით ჩაიარა, მაგრამ მიშას მაინც არ ჰქონდა საქმე კარგად. მას მკლავზე რამდენჯერმე ამოაცალეს სიმღერის წამონაზარდები და ბოლოს, სხვა გზა რომ აღარ იყო, მკლავიც მოკვეთეს. სწორედ მაშინ „შემომჩვილა“ მან: სხვა რაღა დამრჩენია, მარჯვენა აღარ მაქვს და სამსახურის საქმიან ქალაქებს მარტოხელა ხელითაც მოვანერო. გავამხნევე, რა თქმა უნდა, ხელს მოანერ დოკუმენტებზე, მაგრამ მთავარია შენ იყო კარგად-მეთი.

ერთხელ აწყურში გაემგზავრა სამსახურის საქმეებზე და მეც გამიყოლა, სადაც თავის იქაურ თანამშრომლებს შეხვდა, თათბირი ჩაუტარა, სათანადო მითითებებიც მისცა და ახალციხისკენ რომ გამოვნიეთ, სოფელ წნისში, ჩემი დის სახლთან გავაჩერებინე მძღოლს მანქანა.

– მიშა, ამ სახლში ჩემი უფროსი და ნადია ცხოვრობს, ხომ არ შეგველო, კარგი ღვინო აქვს...

– რა ღვინოა? – იკითხა.

– თეთრი „ადესა“!...

– თეთრი კარგია, შეიძლება ორი-სამი ჭიქა...

შევედით. მოვიკითხე ჩემი და, გავაცანი მიხეილ პოვოზიანი,

– კარგი მომღერალია, რაიონში ყველა იცნობს-მეთი. ნადიამ სუფრა გაშალა და თეთრი „ადესაც“ დადგა ორლიტრიანით. ორი-სამი ჭიქა რომ შევსეთ, მიშა ეკითხება ჩემ დას: ქალბატონო, შეიძლება ვიმღერო?

– როგორ არ შეიძლება, ბატონო, იმღერეთო! პოვოზიანმა ეშხიანად იმღერა „ჩემი ლამაზი ქვეყანა“, შემდეგ – იტალიური „სანტა ლუჩია“ (ქართულად. ნადიას, რა თქმა უნდა, მოეწონა სიმღერები, მომიხალვდა და ჩუმად მუუბნება, – რა კარგად

მღერის, სადაური კაციაო).
– ახალციხელია!

– ეს ის კაცია, შენ მოწონებულ „ყვარყვარე და ბარბარეს“ რომ მღერის-მეთი. ცოტა ხნით კიდევ შევიქცეთ თავი, ბოლოს მაღალბა გადავუხადო ოჯახის დიასახლისს, გამოვემშვიდობებ და ახალციხეში დაბრუნდით.

კეთილი კაცი იყო მიხეილ პოვოზიანი, უყვარდა ხუმრობა. ერთხელ მეც გავეხუმრე, „ავუშარდი“, – შენ გვარში, ვფიქრობ, შეცდომაა გააპარული, შენ, ალბათ, „პოვოზიანი“ უნდა იყო-მეთი. მიშას გაეცინა, – რა ვიცი, ჩემ ნინაპრებში არავინ ყოფილა „პოვის“ მიმდევარი ან „მზიდავი“. მე უკან არ დავიხიე და ხმის ოდნავ აწვეით, გამოკვეთილად ჩამოვუყალიბე: შენი ნამდვილი გვარ-სახელია მიხეილ მესხი, ოღონდ არა ფეხბურთში, არამედ სიმღერაში. მიშას უყურადღებოდ არ დაუტოვებია ჩემი ნათქვამი:

– შენ ხშირად მიხეილ მესხს მეძახი, რანაირად ვარ მესხი?

– მესხი ხარ, იმიტომ, რომ ახალციხეში დაიბადე. დედამეტი მარგო ხითარიშვილი მესხი ახალციხელია, სწავლა-განათლება ახალციხის ქართულ სკოლაში მიიღე, მეუღლე ქართველი გყავს – ნათელა ზარდიაშვილი, ცხოვრობ და მსახურობ ახალციხეში, ქართულად მღერი, საუბრობ, აზროვნებ... არ კმარა?!

– ისე, შენც მართალი ხარ! – თქვა ბოლოს მიშამ.

დაიხ, მიხეილ პოვოზიანი მესხი – ქართველი კაცი იყო თავისი სულისკვეთებით, უყვარდა ახალციხე და ახალციხელები. ასეთივე გრძობით იყვნენ განმსჭვალული მისდამი ახალციხელებიც. ერთხელ, მრავალგზის ნაოპერაციევი მიხეილი, რესტორან „მესხეთში“ დაპატიჟეს მეგობრებმა. ტკივილებით შეჭირვებული ცდილობდა, „ისევ ეს ბიჭი“ ყოფილიყო. მოიხიზნა, იხუმრა, იმღერა კიდევ, მაგრამ ეს უკვე „გედის სიმღერა“ იყო.

წავიდა მიშა, სრულიად ახალგაზრდა. დარჩა ქალ-ვაჟი: მაკა – ახალციხის N 1 საჯარო სკოლის პედაგოგი და რობიკო – ბიზნესმენი...

ვაჟა სამსონიძე

მსგავსე მატნობის დასკვნები: მითი თუ რეალობა

ნყოფი მართალია?!

ამასწინათ, ერთ-ერთ სამეცნიერო ჟურნალში ესპანელი მეცნიერების დასკვნა გამოქვეყნდა, სადაც ხაზგასმითაა აღნიშნული, რომ ყოველი მესამე ადამიანი, თურმე, შურიანი ყოფილა.

ქმადრიდის კარლოს III-ის სახელობის უნივერსიტეტის სწავლულებს ზემოაღნიშნული დასკვნა რომ გაეკეთებინათ, გადაწყვიტეს ჩაეტარებინათ კვლევა-ექსპერიმენტი, რათა გამოეკლინათ, ძირითადად, როგორი ტიპის პიროვნებები არსებობენ საზოგადოებაში.

როგორც აღმოჩნდა, ადამიანები პირობითად შეიძლება დაიყოს ოთხ კატეგორიად, ესენია: შურიანები, ოპტიმისტები, პესიმისტები და მიმდობნი (გულუბრყვილონი).

ექსპერიმენტში მონაწილე ყოველი ადამიანის გადაწყვეტილება და მისი შედეგები მეცნიერებმა კომპიუტერული ალგორითმით ანალიზის შედეგად გამოავლინეს.

როგორც კვლევებმა დაადასტურეს, 30 პროცენტი შურიანი გამოდგა, რაც შეეხება ოპტიმისტს, პესიმისტსა და მიმდობ ადამიანებს, მათი მონაცემები თანაბრად განაწილდა (ყოველი კატეგორია – 20%), ხოლო დარჩენილი 10%, კომპიუტერმა ვერ შეძლო რომელიმე კონკრეტულ კატეგორიაში შეეყვანა.

კეთილი და პატიოსანი. თითქოს ყველაფერი ნათელია. მეცნიერულად შესწავლილი საკითხი ირწმუნება, რომ საზოგადოებაში ყოველი მესამე ადამიანი შურიანია.

თუ ქართული ენის განმარტებით ლექსიკონში ჩავიხედავთ, სიტყვა „შურიანის“ განმარტება ასეთია:

„მწუხარება სხვისა კეთილსა ზედა (საბა). შურით ავესო გული – შურით უყურებდა, შურის თვალთ უყურებს ვისმე რამე. შურს იძიებს – სამაგიეროს გადაუხდის, მიუზღვავს (მტრობით)“, ხოლო სიტყვა „შურს“, ასეა განმარტებული: „1) შურით არის აღესილი, სხვისი ბედნიერება შურდა; 2) ენანება. არ ემეტება არაფერი არა, შურს ამხანაგებისათვის“.

ნუთუ მართალია, რომ ჩვენი საზოგადოების ყოველი მესამე წევრი შურიანია? ბუნებრივია, დაგებადება კითხვა: რატომ?!

რატომ გშურს სხვისი ნიჭი, სხვისი შენაძენი, სხვისი სილამაზე, სხვისი ავტორიტეტი, სხვისი ცოდნა, განათლება, კულტურა, უნარები. ნუთუ ადამიანი, რომელიც გამოირჩევა განვითარების მაღალი დონით, ასე უნდა დამდაბლდეს, ასე უნდა დაკნინდეს?!

არ ვიცი, სხვა ქვეყნებში და სხვა ერებში როგორია შურიან ადამიანთა პროცენტული მდგომარეობა, მაგრამ თუ კარგად დაუკვირდებით და გვაანალიზებთ ჩვენს გარშემო არსებულ ვითარებას, დავინახავთ, რომ ქართველი საზოგადოების გარკვეული ნაწილი აღნიშნული სენითაა დაავადებული.

აღნიშნული სენი, ანუ შურიანობა, ყვე-

ლამ უნდა იცოდეს, რომ ტვინის, ნაღვლის ბუშტისა და ღვიძლის მტერია. ამის თქმის უფლებას ვაზუტ „სასავალ-დასავალი“ გამოქვეყნებული ინფორმაცია მძღლევს, სადაც აღნიშნულია, რომ შურიანობა, ეჭვიანობა, აქვეითება ადამიანის ყურადღებას, ხელს უშლის მნიშვნელოვან საკითხებზე ყურადღების კონცენტრირებას. გარდა ამისა, იწვევს სტრესის, შფოთვისა და დეპრესიის სიმპტომების გამოვლენას, რაც ორგანიზმში ადრენალინის მომეტებულ გამოშვებას უწყობს ხელს. ყოველივე აღნიშნული კი აისახება ორგანიზმის იმუნოლოგიურ დაქვეითებაზე. ადამიანს ემართება უძილობა, არტერიული წნევის მატება, გულსისხლძარღვების გახშობა, იწვევს სისხლში ქოლესტერინის დონის მომატებას, საქმლის მონელების დარღვევებს და ა.შ.

მასხენდება ცნობილი საზოგადო მოღვაწის, პუბლიცისტის, ბატონ აკაკი ბაქრაძის სიტყვები, როცა ის მიუთითებდა ჩვენს ირგვლივ მყოფთა ერთ დამახასიათებელ, მაგრამ ფრიად მანკიერ მხარეზე, კერძოდ, – მას სამსჯავროზე გამოჰყავს ის ადამიანები, რომლებიც მხოლოდ სხვათა მიმართ შურიანობასა და დამცირებაში ალაშქრებენ და ათენებენ.

სამი ადამიანი რომ საუბრობდეს და, თითქოს, ურთიერთპატივისცემაში არიან, ერთ-ერთის დროებით სადმე გასვლა იწვევს დარჩენილი ორის ქლიკს მესამეზე, შემდეგ კი ადგილმონაცვლეობის შესაბამისად, სხვა გასულზე მიდის ქლიკი და ა.შ.

დაიხ, ზოგიერთი ვერ მალდებდა იმ დონეზე, რომ თუ რაიმეს თქმა გინდა და ხინჯს ამჩნევ ადამიანს, გეყოს გამბედაობა და პირადად უთხარი სიმართლე, მეგობრულად მიუთითე ნაკლის თუ სხვა არასასურველი თვისების გამო.

თუ კარგად დაუკვირდებით ჩვენს ირგვლივ მყოფ ადამიანებს, მათ, არც თუ იშვიათად, შეამჩნევთ შურიანობას, ბოლმას ცნობადი სახეების მიმართ, ვერ აუტანიათ თუ ვინმემ წარმატებით ისწავლა, გზა გაიკვალა ცხოვრებაში, რაიმე თანამდებობა დაიკავა ან მნიშვნელოვან შემოქმედებით წარმატებას მიაღწია.

ალბათ, ჩვენი საზოგადოების სწორედ იმ ყოველი მესამე წევრის „დამსახურება“, რომ შურმა, ბოლმამ და მტრობამ, ტალახის სროლამ, მნიშვნელოვანი და აზარალა თითოეული ჩვეთაგანი და ე.ი., მთლიანად საზოგადოება.

იმის მაგივრად, რომ ადამიანებმა გაითავისონ ხალხური სიბრძნე – „სიკეთე ქენ, ქვაზე დადე, გაივლი და წინ დაგხვდება“, – პირიქით იქცევიან, თავიანთი მხამიანი გნით, ჭორიკნობით, ავკაცობით, ირგვლივ ნამლავდ ყველაფერს. საქმიან, ჭკვიან, ნიჭიერ და უნარაან ადამიანებს სურვილს უკლავდნენ იფიქრონ ქვეყნისთვის, ხალხისთვის, რათა ავეთონ კეთილი საქმეები.

აი რას წერს საუკუნეზე მეტი ხნის წინ ქართველი ერის მამად ივანე ბერიძე დიდი ილია ჭავჭავაძე გაზეთ „ივერიის“ ფურცლებზე: „არა გვგონია, სხვაგან იყოს ისეთი

ქვეყანა, სადაც ადამიანის პატიოსნება და ნამუსი ისე წინდაუხედავად, ტყუილზრად ილახებოდეს, როგორც ჩვენში, ჩვენი ფიქრით კი ადამიანს, კაცია თუ ქალი, პატიოსნებისა და ნამუსის მეტი სხვა უძვირფასესი არა აქვს რა გასაფრთხილებელი და წმინდად შესანახი.

ადამიანი ადამიანობს პატიოსნებით და ნამუსით და ვინც ეს იცის, იმისთვის შებლაღვა ან ერთისა და ან მეორისა, ყოველს დანაკლისზე, უმძიმესია ყოველსა მწუხარებაზე, უდიდესი მწუხარებაა.

თუმცა ესაა, მაგრამ ჩვენდა სამწუხაროდ, ჩვენში არაფრად არ მიანიათ ჩირქის მიცხება და ნაწყმედა სხვისის პატიოსნებისა და ნამუსისა“ (2 ივლისი, 1887 წ.).

განა ეს სიტყვები ზუსტად არ მიესადაგება დღევანდელობას? ანდა ავიღოთ ილიასავე შემდეგი სიტყვები: „ჭუჭყიანი სიტყვა-მასუსი, ჭუჭყიანი გულისნადები, რომელიც აბეჭდია მთელე ყოველს კაცს, სხვის გასაბიჯებულად გამოსალაშქრებულს, მეტისმეტად ცხადი ნიშანია თვითონ მოლაშქრის უწმინდურობისა და ჭუჭყისა“.

დაიხ, ზემოთწამოჭრილი პრობლემა თითქმის ყოველთვის არსებობდა, მითუმეტეს, დღეს. როგორც საქართველოს ეროვნული ბიბლიოთეკის დირექტორი, ნიჭიერი მწერალი გიორგი კეკელიძე ამბობს „ქართველებს ყველაზე მეტად გვიჭირს ერთმანეთის შემწინება და სხვა ადამიანის ფასის გაგება. დარწმუნებული ვარ, ამ გაცვეთილს (იგულისხმება კორონა-ვირუსის პანდემია) ბევრი კარგად აითვისებს და ამ ბრძოლიდან ფიქრით დატვირთული გამოვა, კარგად გააცნობიერებს, რას ნიშნავს ადამიანად ყოფნა“ („ივერიის პალეტრა“, N26, 2020).

ვინ იცის, კიდევ რამდენი ცნობილი და მოაზროვნე, მამულისათვის დამამწერალი ქართველი ფიქრობს ასე და უფრო მეტსაც. მათ სიტყვას, თქმულს საჯაროდ, მოსმენა და საქმედ ქვევა უნდა.

ჩვენდა საბედნიეროდ, ზემოაღნიშნული კატეგორიის ადამიანები, როგორც არ უნდა იყოს, მაინც ცოტანი არიან, ისინი ვერასოდეს შეძლებენ ავკაცობით, შურით, ბოლმით, მტრობით ჭუჭყიანი სიტყვების სროლით, ფონს გავიდნენ, მათ საზოგადოების ღირსეული უმრავლესობა გარიყავს და სათანადო შეფასებასაც მისცემს.

იმედია, ესაანელ მეცნიერთა დასკვნას ობიექტურად აღიქვამს ჩვენი საზოგადოება და თვითონვე სათანადო დასკვნებს გააკეთებს, რომ ზემოთ მინიშნებული უარყოფითი თვისებებით შორს ვერ წავალთ.

დავაფასოთ ჩვენი საზოგადოების ღირსეული წევრები, ის ადამიანები, რომლებსაც აქვთ ნიჭი, ინიციატივის უნარი, ოფლს ღვრიან იმისათვის, რომ წინსვლა, აღმშენებლობა, წარმატება იყოს ჩვენი მომავალი ცხოვრების საფუძველი.

თიანურ ხუხუნადივილი, საქართველოს დამსახურებული შურნალისტი, ქ.პორჯოში

ახალი გამოცემა

ანანია შირაკაისი „სომხური გეოგრაფია“



გამომცემლობა „მერიდიანმა“ გამოსცა VII საუკუნის სომეხი სწავლულის ანანია შირაკაისის თხზულება „სომხური გეოგრაფია“. მასში აღწერილია ევროპისა და აზიის ქვეყნები.

ქართული სამეცნიერო საზოგადოებისთვის და, არა მარტო სამეცნიერო საზოგადოებისთვის, ანანია შირაკაისის „სომხური გეოგრაფია“ იმით არის საინტერესო, რომ მასში, ფიზიკური გეოგრაფიის თვალსაზრისით, აღწერილია ამიერკავკასიის ქვეყნები, მათ შორის VI-VII საუკუნეების კოლხეთი, ქართლი, კახეთი, ტაო-კლარჯეთი და, აგრეთვე, აქ მცხოვრებ ხალხთა ეთნიკური შემადგენლობა, ტაძრები, ტოპონიმია და სხვ.

ანანია შირაკაისის „სომხური გეოგრაფია“ სომხურიდან თარგმნა, შესავალი, კომენტარები და შენიშვნები დაურთო ცნობილმა არმენოლოგმა ბონდო არველაძემ.

ალექსანდრე ბლოკი

ღამე, ქუჩა, აფთიაქი, ფარანი, ის უაზრო მზერაც ბნელში გიქრება, რომც იცხოვრო კიდევ წელი მრავალი, ყველაფერი ისევ ისე იქნება.

მერე ნახვალ, სადაც ყველა წავიდა, სადაც გელის წყვილი და ნკვარამი, ყველაფერი იწვევდა თავიდან: ღამე, ქუჩა, აფთიაქი, ფარანი.

თარგმნა გურამ ჭავჭავაძემ

ვისი უხის ხაი...

ბვიაბაყობოდას ბვარიშვილობა

არ მეგულება ადამიანი, რომელიც თავისი გვარით არ ამყოფდეს, სიყვარულით და პატივისცემით არ წარმოთქვამდეს წინაპართა დიდი რუდუნებით დღემდე მოტანილ საოცნებო გვარს. წინაპრებმა გვასწავლეს გვარისადმი და გვარიშვილობისადმი საამაყო და მოკრძალებული დამოკიდებულება.

ხევისბერის შეგონება – „გახსოვდეს, ვისი გორისა ხარ“... არასდროს არაა დასავიწყებელი. ახლა ყველაფერი ისე აირია, ეს მოწოდება ნაყალბემა პათეტიკამ შთანთქა. არადა, თითოეული ადამიანი საკუთარ თავს შთამომავლობას უნდა შეახსენებდეს და მოძღვრავდეს: „გახსოვდეს ვისი გორისა ხარ!“ და ამყოფდეს საკუთარი გვარით. იდენტობა მხოლოდ ფიზიოლოგიური მოთხოვნებით არ დასტურდება, ეს ფრაზა სერიოზულ ღირებულებებს გულისხმობს, რომელიც ადამიანის სისხლში, ძარღვებში მოძრაობს, ანუ „იმ გორისა ხარ“ დაკისრებულ მოვალეობას თუ რა გულით ემსახურები, როგორია შენი დამოკიდებულება სამშობლოს წინაშე.

დღეს ჩვენი მოვალეობაა გვარის ისტორია, კეთილი ტრადიციები და იდენტობა გავაცოცხლოთ შთამომავლობაში.

საქართველოს კათოლიკოს-პატრიარქმა, ჩვენმა სულიერმა მოძღვარმა, ილია მეორემ განაცხადა, – ადღეს, როგორც არასდროს, საქართველოს გადარჩენასა და განვითარებაში გადაწყვეტი მნიშვნელობა აქვს ქართული გვარების ერთსულოვნებას და სამშობლოს საკეთილდღეო საქმიანობას.

ეს შეგონება თითოეულმა ჩვენთაგანმა გულის ფიცარზე უნდა დაეწეროს და, როგორც ჯვარი ჩვენი საფიცარი, ისე უნდა ვზიდოთ, როგორც მაცხოვარმა ზიდა გოლგოთამდე.

საყოველთაოდ აღიარებული ჭეშმარიტებაა, გვარისადმი სიამაყის გრძნობა კიდევ უფრო გაითქვამება, როცა ხედავ შენს გარშემო მრავალ სახელოვან, კეთილსინდისიერ, ღვანდობილ და დაფასებულ სახელოვანს.

თითოეულმა ჭეშმარიტმა ქართველმა საგულდაგულოდ უნდა შეისწავლოს თავისი გვარის ისტორია, ცდილობდეს მის გაძლიერებას და შთამომავლობას, გადასცემდეს წინაპართა განვლილ გმირულ ისტორიას.

საქართველოში კარგ ტრადიციად დამკვიდრდა გვარის წარმომადგენელთა შეხვედრები. ეს თავრილობები იმიტაცა საინტერესო, რომ სახელოვანები მსჯელობენ გვარში არსებულ პრობლემებზე და მათი გადაწყვეტის გზებზე. ახალგაზრდებს შეახსენებენ გვარის სახელოვან ისტორიასა და ტრადიციებს, მოუწოდებენ გვარის გამრავლების და სამშობლოს ერთგული სამსახურისაკენ, ეხმარებიან სოციალურად დაუწყველ გვარის წარმომადგენლებს, იზიარებენ გვარიშვილთა სიხარულს და თანაგრძნობენ დამწუხრებულებს, იხსენებენ და პატივს მიაგებენ გარდაცვლილ მოგვარეებს და სხვა. ორივე სიტყვით მინდა ლომიდის გვარის წარმომადგენელთა შესახებ მოგიხსნათ. ქართული გვარები მყარია, რომლებსაც გრძელი, ისტორიული გზა აქვთ გავლილი. მათი უმრავლესობა წარმოშობითაა წინაპრების საკუთარი სახელებისაგან. მათ შორისაა ლომიდების უძველესი და ცნობილი გვარი (ძველი სახელით ლომას-ძე). დღეს საქართველოში 13500 ლომიძე ცხოვრობს და ქართულ გვარებს შორის 2014 წლის აღწერით მეშვიდეა. ყველაზე მრავალრიცხოვანი ლომიძე ხაშურის მუნიციპალიტეტში – 3500, თბილისში – 3072, ქუთაისში – 836, იმერეთში – 2777, სამცხე-ჯავახეთში – 1276, შიდა ქართლში – 3449, ახეთში – 623 და ა. შ. ცხოვრობს. ბორჯომშია 750. ლომიძეები თითქმის მთელ საქართველოში არიან განფენილი.

საუკუნეების წინათ ცხოველთა სახელები ადამიანთა საკუთარ სახელებად გამოყენებულ

მთის მოსახლეობაში ბოლო დრომდე შემორჩენილი იყო მამაკაცის სახელი „ლომა“, რაც წერილობით წყაროებშიც დასტურდება.

სიტყვა „ლომა“ ქართულ ეტიმოლოგიაში, ონომასტიკაში (საკუთარ სახელთა ფონდში) მნიშვნელოვანი ადგილი უკავია.

ტერმინი „ლომა“ გულისხმობდა სიმამაცეს, ერთგულებას, სიბრძნეს, თავდადებას, თავგანწირვას, ახოვანებას, სიძლიერეს, შეუპოვრობას, ამ სახელის მფლობელს ყველა პატივს სცემდა.

ამაყი სახელი „ლომა“ ქართველ ხალხში ძველთაგანვე პოპულარული იყო. ჩვენი წინაპრების აზრით, ასეთ სახელს ვაჟიშვილისათვის შეეძლო შთაებერა ლომის ძალა და სიმამაცე. ამასთან სახელს, „ლომა“ შეეძლო შეეძინებინა ბნელი ძალები, „ლომა“ შესაძლოა სახელი ან მეტსახელიც ყოფილიყო, რომელიც ადამიანი რაიმე განსაკუთრებული თვისების გამო ენიჭებოდა. სხვათა შორის, სახელი „ლომა“ ისტორიულ წყაროებში მოხსენიებულია XIV საუკუნეში (ლომა გურჯიშვილი, ლომი აზნაურაშვილი, ლომი არაგვის ერისთავი, ლომი უზნაძე და სხვა. „საქართველოს სიძველენი, ქრონიკები“).

ლომიძეების გვარის წარმოშობის პროცესი იწყება XIII საუკუნის დასაწყისში (მოსკოვის გვარების ისტორიის შემსწავლელი კვლევითი ცენტრის მასალები).

ისტორიული დოკუმენტებით გვარში შემორჩენილი და ზეპირსიტყვიერი გადმოცემებით დასტურდება, რომ ლომიძეების გვარის ძირითადი განსახლების არეალი მესხეთშია. XV-XVI საუკუნეში სამცხე-საათაბაგოში შექმნილი უმძიმესი პოლიტიკური, სოციალური და დემოგრაფიული ვითარების გამო, ისე, როგორც მრავალი სხვა ქართული გვარი, ლომიძეებიც მშვიდობიანი უთხივების ძეგნაში იყვნენ და რამდენიმე შტომ დასახლდნენ საქართველოს, ზოგმა ოსმალეთს, ზოგმა ქართლს შეაფარა თავი.

დღევანდელ თურქეთის ტერიტორიაზე მცხოვრებ ლომიძეებს – „ლომდად“ მოიხსენიებენ, ხულოს რაიონის სოფელ ბელღეთში დღესაც ცხოვრობენ მუსულმანი ლომიძეები, ისტორიული ქართველების გამო ზოგიერთმა კათოლიკოსის სარწმუნოება მიიღო, მაგრამ, ძირითადად, ლომიძეები ღრმად მორწმუნე მართლმადიდებლები არიან. 1578 წლის საარქივო დოკუმენტებში იმერეთის სოფლებში მრავალრიცხოვანი ლომიძეა მოხსენიებული. იონანე ბატონიშვილი თავის ნაშრომში – „აღწერა საქართველოს თავადაზნაურთა გვარებისაში“, გვამცნობს, რომ „ლომიძეები არიან იმერეთის აზნაურნი, მათი სახლის კაცნი მოსულა ქართლსა შინა“.

ქართლში ლომიძეები უმთავრესად დაეითაშვილთა, აბაზაძეთა, ავალიშვილთა აზნაურები, ხოლო იმერეთში – აგიაშვილების, სანერეთლის აზნაურები იყვნენ, ბევრი მათგანი მართლმადიდებელ ეკლესიებს ექვემდებარებოდნენ.

1850 წლის 6 დეკემბერს რუსეთის იმპერატორმა დაამტკიცა იმერეთის თავადაზნაურთა ოჯახების სია, სადაც აღრიცხულია აზნაური ლომიძეების 950 ოჯახი.

ღმერთის, საქართველოს და ბაგრატიონთა ტახტის ძლიერებისათვის, ლომიძეები გლეხნი კომლზე კაცი და აზნაურნი ქუღზე კაცად გამოდიოდნენ. ცალკე, იმერეთის სამეფოს ლაშქრის მემარჯვენე სადროშოში და, ცალკე, ქართლის მეფის ლაშქარში თავად ნერეთელთა და ამილახვართა დროშების ქვეშ.

1999 წელს ლომიძეების პირველი შეკრება გაიმართა, სადაც 500-ზე მეტმა ლომიძემ მიიღო მონაწილეობა. 2010 წლის 10 იანვარს შეიქმნა

ლომიძეების საგვარეულო კავშირი და საქართველოს პატრიარქმა სამების ტაძარში დალოცა ლომიძეების გვარი, აკურთხა საგვარეულო ხატი. ლომიძეების საგვარეულო კავშირის შექმნიდან დღემდე 20-ზე მეტი შეხვედრა გაიმართა, დარბაზის წევრებმა არა ერთი საინტერესო ღონისძიება განახორციელეს, შეიქმნა გვარის გერბი, რომლის დევიზია: „გვარის ერთიანობა – ქვეყნის ძლიერებაა!“ შიში და დროშა. საგვარეულო ხატი, ხარაგაულის რაიონის სოფელ ხუნევის ეკლესიაში დაფარბანეთ (ამ სოფლიდანაა ლომიძეების დიდი უმრავლესობა). გაიხსნა სპეციალური ანგარიში, შენარული თანხა მობარდება სოციალურად დაუცველ ლომიძეებს, ქველმოქმედებას და სხვა სასიკეთო ღონისძიებას.


შარშან, უკვე მეორედ, რესპუბლიკის მასშტაბით ჩატარდა სახელოვანი მოჭიდავის შოთა ლომიძის სახელობის რესპუბლიკური ტურნირი, ახლა მზადდება პროგრამა ამ ტურნირის საერთაშორისო დონეზე ჩასატარებლად. დანაშაულები მუშაობა ლომიძეების გვარის ისტორიის შექმნისთვის, რომელიც დიდი ტირაჟით გამოიცემა და, იმედია, იგი თითოეული ლომიძის ოჯახში სამაგიდო წიგნად იქცევა. ვითვალისწინებთ ლომიძეების კომპაქტურად დასახლებულ ადგილებში ხეივანების, სკვერების, წყაროების მოწყობას, გვარის ღირსეულ მამულოშვილთა პატივგებას, საგვარეულო გენიალოგიის – „წინაპართა ხის“ შედგენას (ასეთი ნუსხა ყველა ოჯახში უნდა იყოს), ახალგაზრდებში სამშობლოს სიყვარულის და პატრიოტული გრძნობების განმტკიცებისათვის შეხვედრების მოწყობას, გვარში გაბედნიერებული წველების დალოცვას, ნიჭიერ გვარიშვილთა სწავლის ხელშეწყობას და სხვა ღონისძიებებს.

ახლა, როცა ჩამოყალიბდა სრულიად საქართველოს გვარების წინამძღოლთა დარბაზის გამგეობა (თავმჯდომარე ბესიკ კოჭლამაზიშვილი), რომელიც სადღესო მოთხოვნების დონეზე წარმატებით მუშაობს საქართველოს გვარების განვითარების პრობლემებზე, დარბაზის გამგეობა დარბაზის თითოეული წევრისაგან კატეგორიულად მოითხოვს მუშაობის გაუმჯობესებას. მოუწოდებთ მას ერის სასიკეთო საქმეების კეთებისაკენ. ქართველ გვართა ერთსულოვნებისა და მართლმადიდებლური ეკლესიისადმი განუხრელი თანადგომისაკენ, გვარში არსებული ღირსეული ტრადიციებისა და მემკვიდრეობითობის შენარუნებისა და კიდევ უფრო განმტკიცებისაკენ.

არის სხვა აქტუალური წინადადებებიც, რომელთა პრაქტიკული განხორციელება დაგვეზარება ქართული გვარების წინაშე არსებული არაერთი მნიშვნელოვანი საკითხის გადაწყვეტაში.

ესარგებლობ რა გაზეთ „ლიტერატურული მესხეთის“ გულისხმიერებით და თანადგომით, მინდა ვაცნობო ამ ისტორიული მხარის ქართული გვარების წარმომადგენლებს, ყველას, ვისაც სურს შექმნას საგვარეულო კავშირი ან დარბაზი, სურთ გააერთიანონ გვარის დაქსაქსული წევრები, და იზრუნონ გვარში არსებული პრობლემის გადაწყვეტისათვის, გამოგვეხმარონ!

სამცხე-ჯავახეთში ბევრი ძირძველი ქართული გვარია, რომელთა დიდი ნაწილი ნამდვილად გამორჩეულია სამშობლოს სიყვარულით და თავდადებით. ამ მხარეში მრავალი გვარის შესანიშნავი, სახელოვანი ადამიანი აღიზარდა, რომლებმაც ნამდვილად ასახელეს სამშობლო. სრულიად საქართველოს გვარების წინამძღოლთა დარბაზის გამგეობა მზადაა ქმედითი



დახმარება აღმოუჩინოს ყველას გვარის წესდების, სამუშაო გეგმის შემუშავებასა და სხვა ორგანიზაციული საკითხების მოგვარებაში.

მზად ვართ თქვენთან შესახვედრად თქვენთვის სასურველ დღეს, ვიმსჯელოთ, ვიზრუნოთ ქართული გვარების წინაშე არსებული მრავალრიცხოვანი პრობლემების გადასაჭრელად, რათა ერთობლივი ძალებით შევძლოთ და ღირსეული წვლილი შევიტანოთ გვარებში ეროვნული და პატრიოტული მუხტის გაძლიერებისათვის, ქვეყნის წინსვლაში ჩვენი წვლილის შეტანისათვის.

მსურველებს შეუძლიათ დაგვიკავშირდნენ შემდეგ მისამართზე: ქ. ბორჯომი, ფალიაშვილის ქ. №2, გაზეთ „ბორჯომის“ რედაქცია. ტელ: 599 – 22 – 79 – 29

სიამაყით მინდა დავასახელო ბერიძეების ყველაზე მრავალრიცხოვანი გვარი საქართველოში, ზედგინიძეების, ნეთლიძეების, მიქელაძეების, ჯვარიძეების, მეთლანაძეების, გურგენიძეების, დიასამიძეების, დავლაშვილების, ზაზაშვილების, თოთაძეების, ლაზარაშვილების, მისიძეების, ნათუნაძეების, თთანაძეების, წარმანიძეების, პარუნაშვილების და მრავალი სხვა გვარები, რომელთა ღვაწლი ნამდვილად დასაფასებელია საქართველოს ამ უძველესი კუთხის გადარჩენის საქმეში. სწორედ ამ მხარეში შემორჩენილი ქართული გვარების წარმომადგენელთა უდიდესი დამსახურებაა, რომ აქ ომანაინად ისმის ქართული საუბარი, რთული კლიმატური თუ სოციალური პირობების მიუხედავად, კვლავ მრავლდებიან ქართული ოჯახები, ამ მხარეში საქართველოს არაერთი თვალსაჩინო მეცნიერი, სახელმწიფო მოღვაწე, მწერალი და ხელოვანი გაუზარდა. საამაყოა, რომ რუსეთის ნაფუძარზე ტრადიციულად ისმის პოეზიის მოყვარულთა შესანიშნავი ლექსები, სიტყვაკაზმული ქართული ენა.

ახლა მთავარია უფრო მაღალ დონეზე ავიყვანოთ ქართულ გვართა ბრძოლისუნარიანობა და თავდადება, რაშიც უდაოდ დიდია თითოეული გვარის ერთსულოვნება.

ვალერიან ლომიძე,
გაზეთი „ბორჯომი“-ს რედაქტორი, სრულიად საქართველოს გვარების წარმომადგენელთა დარბაზის გამგეობის წევრი, ლომიძეების საგვარეულო დარბაზის თავმჯდომარე, საქართველოს დამსახურებული ფურნალისტი, ბორჯომის საპატიო მოქალაქე.

თქველები

ამ სამოცი წლის წინათ, სოფელ ხიზაბაურაში იყო ერთი დიდი ძალ-ღონის პატრონი კაცი, რომელიც მოსულიც იყო (ე.ი. ფიზიკურად ძლიერი) და დიდი სახელგანთქმული მოჭიდავეც. მთელ ახალციხესა და ჯავახეთში კაცი ვერ უძღვებდა, სუყველას ერეოდა ჭიდაობით თუ ჩხუბით, სუყველანი აამტუტა.

ერთხელ ახალციხიდან ქირა მიჰქონდა ურმით, ურემში კამეჩები ება. ხიზაბაურის დიდ აღმართში ერთი კამეჩი უღელში ჩაუწვა, ის კამეჩი უღლიდან გამოუშვა, თვითონ შეება მეორე კამეჩთან და ხიზაბაურამდის ამოიტანა დატვირთული ურემი. იმ დროს ქართლში იყო განთქმული მოჭიდავე ათოლა გლდანელი. იმის ქება

ხიზაბაურელი მოჭიდავე

ჯავახეთშიც გადმოვიდა. ამ ხიზაბაურელმა თქვა: „რალა ბიჭი ვარ, თუ ის არ ნაუაქციო“ და წავიდა ქართლში და იქიდან თბილისში ჩავიდა. მივიდა და გუბერნატორის გამოუცხადა: „მე მოჭიდავე ჯავახელი ვარ და ის ხასიმა¹ გამომიყვანეთ, ან ფული მომეცითო. გუბერნატორმა დაუძახა ყველა მოჭიდავეს, მაგრამ ვერავინ გაუძლო და სუყველანი წააქცია. გუბერნატორმა იკარდა და მაშინ კი აჩუქა ფულები, მერე კი, ხალხის რჩევით, დაიბარა ათოლა გლდანელი და უთხრა: „აბა, ამ ჯავახელს-ნა ეჭიდავოვო და თუ ნააქციე, ბევრ ფულს მოგცემო. თელი თბილისელი ფალავნები

წამიქციაო. „ძალიან კარგი, დავეჭიდებო“, – უთხრა გლდანელმა. მეორე დღეს ქალაქის მეიდანზე შეგროვდა დიდძალი ხალხი. დაუკრეს ზურნა და დაეტაკნენ გლდანელი და ხიზაბაურელი. ბევრი იჭიდავეს, ძალიან ეწვალნენ და მაინც ვერც ერთი ვერ ერეოდა. ბოლოს ათოლამ მაინც წამოიღო და შორს მოისროლა ხიზაბაურელი, მაგრამ მაინც არ წაიქცა და ცხვირ-პირი კი მინაზე გაიშვლია. ამაზე ლექსიც გამოუთქვეს: „ხიზაბაურელი ჩიოდა, ათოლამ წამაქციაო, ცოლი და დედა მ.....ნა,

თავ-პირი დამანტვირიაო“. მაგრამ მერე მაინც ნააქცია ხიზაბაურელმა ათოლა გლდანელი და ფული და სახელიც მას დარჩა. მისი ნაშთი² ახლაც ცხოვრობს სოფელ ნაკვისშიო.

მთქმელი სოფელ ბარაღეთში მცხოვრები 70 წლის ბასილ ზაქარაიას ძე გომოლაძე, ჩაინერა ბიორბი გომოლაძე 1937 წელს. შოთა რუსთაველის სახელობის თბილისის ლიტერატურის ინსტიტუტი, ფაა13533

¹ ბადალი, მოჭიდავე

² შთამომავალი

... მე გამიგონია პაპაჩემისაგან, აქ სულ ძველად, ვინ იცის რა დროს, მესხებს ერთი ვიცხა დიდი ხელმწიფე დაუმარცხებიათ, მოუტაციათ ცხენი და ამგვიტას დაუბია მათ. ხელმწიფის შემოუთვლია: ოლომც ეგ ჩემი ცხენი უკან დამბრუნებ, აღარას გავნებთ, გავივლი, ჩემს ქვეყანას წავალ. მაგრამ უარი უთქვამთ. მაშინ იმ ხელმწიფის სმენია თავის ცხენის ცხინი, დაუპირებია გამოხსნა, მაგრამ არ საით არ ყოფილა მისასვლელი გზა. რაკეთიდან დაუნყვია კავა ტყისა და გვერდებზე გზის კეთება. მანამდის იმ ცხენს აუნყვებია, გასულა მტკვარში, შეურბენია ხიზაბაგრის ვენახები ქვებით და რა ამოუტანებია იმ კლდეგორის წიწქროსზედ, გაქვავებულა! იმ ხელმწიფესაც თავის ალაგას რომ აღარ დახვდენია ცხენი, გამობრუნებულა ნაღვლიანი და ამ ორმოცის წინწადა ხიდზედ უნახია ორმოციოდე მოჭრილი თავები თავის მხედრებისა, სწყენია დიდად და ისიც აქ გაქვავებულა! იმისთვის გზის ნაკვდ სოფელს როკეთი დარქმევია, ცხენის ნახან ადგილს ამგვიტა, გაქვავებულ ადგილას ცხენისა, კუროს-თავი და კომქსაც ორმოცი!

ენი მესხი, გაზეთი „დროება“, 1878 წ. N25

გაფორება ერეკლე მეფეზე

ერეკლე მეფე ასპინძის ომზე რო ჩამოსულა, ფესი ხურები. სოფელ ოზორას რო გამოუვლია, იქ ერთი სოფლის გოგო ბაღს მოჰკრეფს და მინაოდებს ჯარების უფროსს. უფროსი დასაჩუქრებს და ეტყვის: უკან მეფე მოდის, მოუტა ხილი და უფრო მეტ საჩუქარს მოგცემსო. მართლაც მეფე რო გამოვიდა, ეს გოგო გადაადგებს ხილს, მაგრამ რო დაინახა მისი ხურამს, შეეშინებდა და უკან გაბრუნებდა. მეფე ეტყვის: რატომ გაბრუნებდი? გოგო მიუგებს: შენ მეფე არა ხარ, შენ თურქი ყოფილხარ, ჰარამია შენზე ქართული ხილი. მეფე მოიხდის ფესს, გახევს და გადაადგებს და ამ გოგოს დასაჩუქრებს. ამის შემდეგ გაილაშქრებენ ასპინძაზე. ერეკლე წინდანი ააყრენინებს ხილს და დაამარცხებს თათრებს. ჩაინერა ილია მანისურაძემ 1937 წელს, ახალციხის მხარეთმცოდნეობის მუზეუმი, ფა3139

ჭარული

აჭარელმა სტამბოლში ყოფნის დროს ჭადი ვერ იშოვა საქმელათ და პური კი ვერ ჭამა. შიმშილისაგან მიზნდებოდა ამხანაგს მიმართა და ჭადი სთხოვა. ამხანაგმა ტავარჯობი (გულა) უჩვენა: იქინე პურებთან ჭადი კია, ამიღე და ჭამეო. გაუხარდა მშვიდს აჭარელს, მივარდა მტავარჯობის, მოხსნა პირი და ჩაყო შიდ ხელი. ეძება, ეძება და პურის ქვეშ ძლივს მოხსნა ჭადის ნატეხი, გაუხარდა და დაძახა: — ჭო, ამ პურისათვის რო გავილოთინებია ჭადი, რეიზა გიქნია აგი. უკეთესი ხო იქნებოდა, ჭადისთვის გაველოთინებინა პურებო, რომ მეც მის ძებნაში აღარ გველოთინებოლიო.

იმერელი და ურია

ერთი იმერელი და ურია მგზავრათ მიდიოდ-

ნენ... სალაშქროს რო მივიდნენ, ამოვარდა დიდი ქარბუქი; იმერელმა წამოიხსნა: რაა აგი, ეშმაკი ქარია თუ რაცხაო?! ამაზედ ურია უპასუხა: ჩვენი ღმერთი და თქვენი ქრისტე ღმერთი შეჭიდებულან, ჩვენსას თქვენი დაუცია და ეს იმის ნახალიაო, რომ ცა და დედამიწა ინძრევანო.

— აუ, — წყენით წამოიხსნა იმერელმა, — ურია, რას ლახლახობ მაგას, თუ თქვენი ღმერთი და ჩვენი ღმერთი მტრობაში ატარებენ, ჩვენ აქანა რა მოახლე ვართ, რომ მათ უღალატოთ და ერთმანეთს აქ კი ამხანაგობას უწევთ, არიკა, შე მამალი მგლის გასახეთქო, შენაო და შეება ურია. აილო მარჯვეთ. სწრაფმა იმერელმა თავისი თანა მოგზაური დაანარცხა მინაზედ და შევდა ზედ.

— აბა, ჰე, შე სამგლევე, იქინე თუ თქვენი ღმერთია გამარჯვებული, აქანე შე ვიქნებო. ცემა ტყეპით უშეირობდა ამ სიტყვებს და აყვირდა ურიას.

ჭარული და კურცნის მკეთებელი

აჭარელმა ახალციხეში კურტანი გააკეთებინა და მეკურტნეს შეეკითხა:

— ძიავ, ხო კაი კურტანია?
— კაია, კაია, სანინ ბაჯი, ბალდუზუნ ბაჯი... (თავისი და, ცოლის და და ცოლი შეაგინა ხუმრობაში). აჭარელს ყურადღება არ მოუტყვევია ამ გინებისთვის, თუმცა გაიგონა, რაც უთხრეს. აჭარაში რო წავიდა, გზაზე, აჭარის მთაზე რო ავიდა, მაშინ დაფიქრდა და გაახსენდა ცოლის შეგინებაზე ახალციხის საგან. მოუვიდა გული. ჩამოვდა ცხენიდან, იძრო ყამა (ხანჯალი) და მისდგა კურტანს, იმდენი სცემა, რო, სულ ლუკმა ლუკმად აკუნა. როცა გული იჯერა, შევდა ტიტველა ცხენზე და გასნია სახლისკენ.

შინ რომ მივიდა, ცოლი შეეგება და ჰკითხა: — ჭო, შენ ახალი კურტანი უნდა გეყდა და ძველიც იქინე დაეცოვია?

აჭარელმა გარემოება სულ შეატყობინა: ასე და ასე. შენი თავი მაგინეს ახალციხეში და მაგაზე გული მამივიდა, შემგინებელი არ იყო იქინე, რომ მისი ოხტიდან ამოუსულიყავი, გადმოვიდე მისი გაკეთებულ ახალი კურტანი და მთლა აკუნეო.

— ჭო, მე აქანა არა კაცი მინახავს და შენ რეიზა კარგავდი კურტანს და ზარალს მიეცი თავიო.

ჭარული

აჭარელს ჩემქამ არ ენახა, მგზავრობაში იშოვა ერთი ჩემქამ და გაკვირვებით თქვა: მადლი ალახსა, ერთი თობის ბუდე აკლდა ქვეყანასა და ავიც მოუგონათო.

რატომ არ ჯამს მაშმადიანი ლორის ხორცს?

ერთხელ თათრებმა უსაყვედურეს მაშმადს: ქრისტეს იმდენი სასწაული უქნია, წყალიც კი ღვინო გადაუქცევია და სხვა მისთანები და შენ კი


ერთი იმისობა არა გიქნია რა, რომ საკვირველი ყოფილიყოსო.

მაშმადმა უთხრა: ეგ რა არის, მე შემოძლიან ერთი ჯობის დარტყმით ღვინო გამოვადინო, მინდგან არა თუ წყალიო.

— აბა, გვიჩვენე, ესეთი სასწაულიო.
— ხვალ მობრძანდი, სოფლის გარეთ მინდორზე და დილას გიჩვენებ სასწაულსო. იმ ღამეს მაშმადმა გაავსო ტიკი ღვინითა, გავიდა დანიშნულ ადგილას, გათხარა მინა და ტიკით ღვინო შიგ ჩამარხა.

მეორე დილას რო მივიდნენ ყველანი, მოუცადეს მაშმადმა. რა მოვიდა მაშმადი ჯობით, დახედა, რომ მისი ტიკი ღვინო ამოვლით, დაეგლიჯათ, ღვინო სულ დიექციათ. მაშმადმა რომ ნახა ესა, ერთ ადგილას გაჩერდა გამტყერებული და ფიქრობდა, რა ექნა თავის მოტყუებისთვის. ხალხმა შეანუხა: რას გვიყურებ, სასწაულს უქცდითო!

მაშმადმა უთხრა: რაღა სასწაული შემოძლიან, ამ



ნახ. რეზო ხითარაშვილისა

წყეულმა ღორებმა შემოძლიეს ხელი. დღის იქით ნულარა სჭამთ ლორის ხორცს, გეკრძალებათო.

მართლაც იმ დღიდან მაშმადიანები ლორის ხორცს აღარ სჭამენ და მისი თვლით დანახვაც ჭირის დანახვას ურჩევენათ.

ხიზაბაგრელი

ერთ ხიზაბაგრელს ქალი დაენიშნა ჭობარეთში, რომელიც სულ არ ენახა პირადად იგი. ერთხელ მოუხდა იმ სოფელში მგზავრობა და ესტუმრა შემთხვევით თავის ახალს მოყვარესა: ვერც ერთი ერთმანეთს ვერ სცნობდნენ: ვერც მასპინძელი სტუმარს და არც სტუმარი მათ.

გამოვიდა თავისი დანიშნული ქალი, რომელსაც თავის სილამაზესთან თვალის სიღმით დამახინჯებულყო. სტუმარ-ყმანვილს მეწონა ის გოგო და სახლის უფროსს უთხრა: შენი სახლი მეტათ კარგი ყოფილა, მამწონს, მარა ბუხარი კი ბრუდე შექნია, რომელიც ძალიან უკარგამს შნოსა და ხასიათსო.

იქ მდგარი ქალიშვილი მიხედა, რო ამაზედ ამბობდა იგავს და გული მოუვიდა, უფროსს დაასწრო და სტუმარს უპასუხა: ბუხრის სიმრუდეს რას უყურებ, შენ ის მითხარე, კვამლი სწორედ ავიდესო.

მწერის ხორცის მოყვარული

ერთმა ხუმარამ ერთი კაცი გააბრიყვა და უთხრა: შენ მწერის ხორცი გიყვარს ძალიან. ერთ მწერს შენ ფეხზე ძაფი წააბი, დასვი გძლათ და იმის წვერი შენ დაიჭირო და შორი ახლო დავექიო. იქ მწერები მოვლენ, შენ დაბმული მწერი ნელ-ნელა გამოსწიე, დანარჩენი მწერები წამოჰყვებიან, რო მოახლოვდებიან, ნაველე ხელი და დაიჭირო ყველაო. ოლონდ, რო არ დაგინახონ იმათ და არ დაფრთხნენ, თვალები დახუჭე და ვერც დაგინახანენო. მოტყუებული და გაბრიყვებული კაცი მართლაც ასე მოიქცა: საღამომდინ მწერი უფდა. ბევრი იცადა და ვერც ერთი ვერ მოინადირა. საღამოს მინ რომ მივიდა, ხუმარამ ჰკითხა, ხომ დაიჭირო ბევრი მწერიო?

— ვერც ერთიო, — მიუგო გაბრიყვე ბულმა.

— რატომ, არ მოვიდნენ?
— მოვიდნენ, მარა ისევე გაფორინდნენო!
— შენ უთუოდ თვალი გაგიჭყეტია და იმიტომ დაფრთხნენო!

— აბა, ერთხელ გავახილე თვალი თუ ორჯერ, მთელს დღეს თვალდახუჭული ვეგდე და იმდენი ხუჭვით, ზოგჯერაც, მიმძინებოდა.

— ჰო, არ გითხარი, თვალს გააჭყიტებდი-მეთქი, იმიტომაც დამფრთხლან და ვერა გავიგია რა და გაუდგა თავის გზას.

იმერელი და ხიზაბაგრელი

ხიზაბაგრელი (ჯავახი) ესტუმრა იმერელს, რომელიც ქრისტიანად ვერ იცნეს, ტანისამოსის გამო. სტუმარმა უთხრა მასპინძელს: ქრისტიანობა მსურს და არ ვიცი ქართველობა სვობს თუ ფრანგობა? თუ სამსახური გსურს, ქართველობა მიიღე, თუ სარწმუნოება — ფრანგობაო. — უპასუხა იმერელმა.

— ქრისტიანობაო! — და პატივი სცა ჯავახსა ქრისტიანობის მიღებისათვის.

იქვე ხიზაბაგრელმა დაინახა გულდებით ღვინო და იკითხა: — ეს რა თხები წვანანო.

— ეგ რის თხებია, შე კაი კაცი, ტიკებია, შიგ ღვინო ჩასხმულიო.

ხიზაბაგრელმა მითამ გაიკვირა და ცნობის მოყვარეობით შეეკითხა კიდევ: — ნეტა რა გემოსია ღვინო? ჭო, ჩვენი ხოჯები ჭადისთვის გვეტყვიან: მაშმადის ნანვიო ტკბილი რძე ურევია შიგ და ღვინოზე კი არა უთქვამთ რაო.

— ეჰ, შე კაცი, ჭადში თუ მაშმადის რძე ურევია, ღვინოში სულაც ქრისტეს სისხლი ურევიაო. დაბძანდა და ორვე იმხარულე, რომელიც მოგეწონოს, იმავ სარწმუნოებას დაადექიო.

ხიზაბაგრელსაც ეს უნდოდა, დაჯდა და ჭადით და საყვარელი ღვინოთ გამოიდა, ბოლოს მასპინძელს უმხარობდა: — ძმაო, ქრისტიანობა კარგი ყოფილა და ღმერთმაც არ მომაკლოს ღვინოო.

მასპინძელ იმერელს გაუხარდა სტუმრის გაქრისტიანება და ორი გუდა ღვინო აუკიდა ხიზაბაგრელს ცხენზე და გაატანა სახლში.

„ჯვარი ვაზისა“, 1906 წელი, N18

ნაინილაჰი ახალციხის ააზნიდაან

დასაწყისი გვ. 9

მხოლოდ ისაა, ვინც კარის დირზე მდგარა და ნახევრად გამოუსწვრია ნამოხვეულ სახლის შენობისთვის.

პირველი სოფელი ბარალეთ-ბორჯომის შარაგზაზე, მინის-ძვრისაგან დაზარალებული არაგვაა, დასახლებული სომხებით. დაუქცევია მინისძვრას სულ 5-6 სახლი. ერთი თორმეტის წლის ყმაწვილი გარდაცვლილა და ერთიც მამა-კაცი დაუსახინჩრებია. ყველანი შევიდით მინურში, სადაც ინვა ავადმყოფი. საცოდავი საშინლად ჰგმინავდა. ფეხები მომტყრეული ჰქონდა, ფერდები და მხრები დაშავებული. ერთი ლოდი თავში ჰქონდა მოხვედრილი. მკურნალმა ბარაიშვილმა და ფერმლემა ჯავახანაშვილმა და მოუკაშვილმა შემწეობა აღმოუჩინეს ავადმყოფსა და შესაფერი ნამლები მისცეს. ვიდრე მკურნალ ფერმალნი ფუსფუსებდნენ, გუბერნატორი ავადმყოფს არ მოჰშორებია, ბოლოს განკარგულება მოახდინა, გადაეყვანათ ავადმყოფი დუხობურების ფართო მარხილით ქ. ახალქალაქს. ეს პირველი ნახვა იყო ჩვენ მიერ მინისძვრის მსხვერპლისა.

წერილის დასასრულს მასაც მოვიხსენიებთ, რომ ჯავახეთს დამკვიდრებული სომხები გადმოსახლდნენ 1930 წ. გრაფის პასკევიჩის მთავარმართებლის დროს არზრუმის ფაშალიყდან. იმპერატორმა

ნიკოლოზ პირველმა ერთი მილიონი მანათი ასიგნაციის ქალაღებისა უბოძა მათ სახლკარის ასაშენებლად და ოჯახობის მოსაწყობად. სამოც და ათმა წელიწადმა გაიარა მას შემდეგ და დღეს ხელმოკრედ ეწვიათ უბედურება. თათრებს გამოეცქნენ, რუსეთს შეაფარეს თავი, მოისვენეს კიდევ საცოდავებმა და ხელახლად მეორე უფრო დიდი უბედურება ეწვიათ, სახლკარიც დაენგრათ და მრავალი სიცოცხლესაც გამოეთხოვა. შევილი შვილი შეიღმა იმპერატორი ნიკოლოზ პირველისამ, იმპერატორმა ნიკოლოზ მეორემ კიდევ შეინყალა საცოდავნი და დასახმარებლად უბოძა 50000 მან. საკუთარის ჯიბიდან. ეს და სხვა კერძო შემონირობა საშუალებას მისცემს მთავრობას ბინა გაუჩინოს იმათ, ვინც ბუნების ძალიან ასე უწყალოდ გაატალა და გაავრანა.

დილის ექვს საათზედ უკვე ბარალეთს მივიდით.

საუკუნის გადასახედიდან

კაცი. სოფ. ბულათენში მინის-ძვრის შემდეგ ერთი სახლობა თავშესაფრის უქონლობის გამო თივის ზეინში მოთავსებულა; გაუფრთხილებლობის გამო ძილის დროს ლამპა ჩამოვარდნილა, თივას ცეცხლი წაჰკიდებია და ექვსი მძინარე კაცი ცოცხლად დამწვარა.

სოფ. ტოლოში (ახალციხის მახრას). 19 ქრისტეშობისთვის, შუადღისას, საშინელი მინის ძვრა მოხდა. ისეთი გრილი მოისმოდა დედა-მინითგან, როგორც ქვე-ქუხილი. გორებიდან დიდი ლოდები გორდებოდა, სახლები ისეთ ნაირთ მადიოდ-მოდიოდნენ, რომ ქვრებიდან ხრალით მინა ცვიოდა. ამ საშინელმა მოვლენამ ზუთ ზუთამდე გასტანა. შემოინებული ხალხი სულ გარეთ გამოვიდა. მინის ძვრა ოთხჯერ მოხდა შუადღიდან ღამის ათ საათამდის; მეორეთ და მესამეთ ცოტათი შეინძრა დედა-მინა, მეოთხეთ უფრო საგრძობლად. ღამე გარეთ გამოვლით, რადგან სახლების დანგრევია გვემინოდა. შიშით და სიცივით გვაკანკლებდა მთელ ხალხს, მინამ მინა არ გაჩერდა, მთელი ღამე არ დაგვიძინა; თუმცა ადამიანის ზარალი არ მოსულა, მაგრამ შენობების კედლები ბევრი დაინგრეა. სხვათა შორის, ტოლოშის სკოლის ნინა კედელი საშიშრად არის დანგრეული.

გაზეთი „ივერია“ 1906 წ. N1, N2

გაზეთი „ლიტერატურული მესხეთის“ ელექტრონული ვერსია შეგიძლიათ იხილოთ შემდეგ მისამართზე: WWW.SCFI.CO; fcoo: ლიტერატურული მესხეთი

ლაგოშაქანაღაბი: ფიზიკური პირი ავთანდილ ბერიძე
სსიპ სამცხე-ჯავახეთის სახელმწიფო უნივერსიტეტი

გაზეთი რეგისტრირებულია ასპინძის რაიონის სასაგარეო სსსრ 1998 წლის 15 ოქტომბერს. სარეგისტრაციო № 19/4-17

კომპიუტერული უზრუნველყოფა ირმა ჯიშკარიანის

რედაქტორი ავთანდილ ბერიძე
სარედაქციო საბჭო:
დურმიშხან ბერიძე, მერაბ ბერიძე, ვახტანგ ინაური, სოსო გიქოშვილი

გაზეთი დაიბეჭდა შ.პ.ს. „საარის“ სტამბაში.
მისამართი: ქ. თბილისი, თევდორე მღვდლის 57.
ტელ: 2 94-14-32

რედაქციის მისამართი:
0500, დაბა ასპინძა, თაბატაძის ქ. № 3,
ტელეფონები:
მთავარი რედაქტორის: 599 97 95 24,
lit.meshketi@gmail.com
lit-meshketi@yahoo.com